



微

泉

閣

鑿

卅

齋

氏	泰
墨	謹
彪	盛

微泉閣詩集目錄

○第一卷

五言古詩一

擬古詩十九首

孤桐篇

庭梅

訪僧不值

春夜登惠山

春望書懷

發廣陵至邵伯湖

小園秋霽

方吉士見贈奉答

華不注

發嘉禾抵武林道中

穆陵關

故關

晉水

八盤

宜河驛西土室中食宿

宿宜河驛土室

緣無定河行

扶蘇墓

南關驛

過太行

李同年貽葛

八月十六鄉人徐君朱君置酒龔侍郎芝麓高齋招同劉何實金

漢光吳玉虹及同鄉歌客數人夜飲玩月二首

送邑子歸

五月同年吳侍郎賡菴諸公飲王翰林冰壺齋二首

諸公相送至彰義門留別

琉璃河

道中苦雨二首

滎河逢雪渡河作

渡河行雪中作

雪後韓城曉發

積雪行邵陽道中暮宿逆旅

問始皇墓處

龍祠觀水

郭林宗墓下

護甲山分水嶺

遊眺龍門尋奉先寺香山石樓童然而已

北邙山

澤州官舍古松

河東官舍別竹

別柿

晉水寒

過榆次弔荆軻

壽內父周翁

潁州劉吏部公勇壽

除夕二首

○第二卷

五言古詩二

戊申元旦

真定寒食四首

百泉

馬跡山

雨過虎邱石上

過靈巖

夏日接微泉煮茗示錢潘二子

雨宿無錫縣感事

渡西泖遊南山潘氏莊看杜鵑晚開者上楓隱未到寺而返二首

風雨泊惠山

虎邱用江總韻

送十六姪舜民之西江入東粵四首

攜家雨過虎邱晴雨記候

夜坐虎邱東巖納涼

孫風山檢討招飲東郊園池

雨遊荆溪南山

登雨花臺拾石子

冬日史庸菴太守頤真堂文謙卽席口授

虎邱積雪

虎邱寒月

登安陽山同錢湘靈作

春雨招諸公小飲次楊芝田韻

九日尋菊丁山人家索書換花以淵明日月依辰至句發端

八月廿四日放舟青墩飄香叢桂花裏張鐙同舜民姪廷受諸孫

夜飲

四松

病中大兒種菊瓦盆叢花置枕前口號

惡鳥

○第三卷

七言古詩

登崑山感舊

登州太守歌送徐同年

徐誠甫山池

中山孺子妾歌

迎春詞

畫鯉魚歌

呈大名相

王吏部太翁太夫人雙壽

觀朱將軍角鷹獵

潞州官舍壁閒見王尚書鐸畫石尚書磨崖書於華山

題長平驛壁

邯鄲黃梁夢歌

七月初八日老屋爲風雨所毀歌

八月十五夜對月

九日喜晴放舟青墩家人治具舍姪元愷兒子元起與客從遊用

高太史季迪昨日風雨今日晴天意令人作重九篇韻

十六姪舜民新營青墩所居攜酒招錢湘靈吳玉虹同過且約余避暑因率家人同往時三月四日也憶去年重九客遊此復用

高韻示錢

泉上雨中置酒送別碧桃海棠三疊前韻

桃花雨敗海棠僅存幄中四疊前韻和錢

己未九日石湖獨遊五疊九字韻

酒人行

官窯鸚鵡螺歌

五老會雪中花下

雪用前韻

臘梅爲風雨所折歎

白海棠同諸公和東坡韻

杜鵑行同諸公作

除夕行

求盜放鐙歌

黃馬歌

○第四卷

五言律詩一

長門怨四首

送申晁盟歸廣平二首

薄暮

廣陵別蕭同年

病中遣心

送仁和岳令

送姪孫大翮宰天台二首

高郵湖

晚晴

庚寅守歲

早春園居二首

登崑山

秋夕

放船早行望惠山

春園卽事

城北夕望

落花

魯同年攜酒見過

吳山雨望

德州道中

趵突泉

青州叢林寺木成大師房

觀海

山橋晚坐

過贛榆縣故太史良合姪舊莊

初入淮南

湖中雜詩三首

孫風山索詩

村舍巢燕

濟南二首

景州城南董子下帷處

雄縣道中三首

船過南旺湖雨後晚晴夜泊見月三首

八月十五夜庭中桂樹下望月二首

蘆溝橋二首

張華宅

八月初二日宿涿鹿公館見五月過此題壁閒詩

清苑縣雨強憩此縣二首

汾陽縣西道中

湯陰岳王祠二首

吳山閣中瞻眺

送李同年鏡月歸高郵二首

宿常隆寺同李鏡月得顯字

成翰林高齋

送邵無盡歸虞山終養二首

小閣夕望

招葉探花華榜眼宋秀才登樓就菊小飲葉宋賦詩依韻奉和

八月十五夜小樓玩月

十六夜月

送陳駕部備兵瀾滄

送張操江

寄太倉小兒醫沈翁

送族姪闔石及第南歸

俞侍御太翁太夫人雙壽侍御予告歸諸暨終養

崑山朱進士太夫人徐氏壽詩

送張考功歸楚終養

送董中丞撫江西

程周量太翁至自廣東初舉壽觴二首

蔣吉士太翁壽時吉士移疾歸里

曹太翁太夫人雙壽

蕭侍御太翁壽

王侍御太夫人六十壽

壬寅元旦三首

四十初度

城下楊花三首

賈中丞巡撫陝西

西山僧乞竹

送王中丞出撫鄖陽

崑山李大行元仗以湘簾斲篔見貽感賦

巡倉署中土邱聚石百餘年矣環邱樹抱冠邱爲亭亭圯而予復

廣一室深倍之東戶西牖南北其檻製則舫覆則瓦因題五首

潞河里二泗佑民觀感題三首

早行寄家人

送錢湘靈下第還吳中二首

送同年錢侍御歸常熟覲省太翁遷葬太夫人并夫人三首

樓雪三首

送蘇州太守吳同年之官

康熙二年元旦早朝

慈和皇太后挽章二首

東便門柳色

送尹吏部郎予告歸養太翁

劉學士太夫人壽

八月十五飲馬年兄齋中同吳廣菴王冰壺二同年二首

十月朔日同王冰壺張繡紫小集吳廣菴齋中看菊仍用八月十

五夜韻二首

鄰樹新綠二首

早起望鄰樹復作一首

數日晨出暮歸馬上被風臥病二首

韓吏部太翁八十壽

蟋蟀

秋日連雨

登明遠樓望西山餘雪二首

九日

和葉詡菴見贈

送施愚山

除夕

○第五卷

五言律詩

春雪早朝

二月初一

登樓望西山積雪同梁侍御

同諸公攜酒章學士園亭花下飲二首

野飲

又和吳賡菴侍御韻二首

祖園小飲復過銀臺觀芍藥同吳賡菴司寇馬觀揚司空范挺岳

翰林六首

送王紫蘭提學湖廣

連雨強憩清苑縣于侍御見遺魚酒賦謝

過梁司馬蕉園

井陘抵固關道中雜詩七首

平定州西行二首

太原道中

西巡屬縣二首

遊龍門

冒雪暮抵三原題壁二首

遊子三首

歲暮三首

丙午新年作

春雪

生日有以馴鹿子三見貽賦之

春日夏縣道中卽事

洪洞道中

霍州道中

靈石道中

韓侯嶺

汾陽別朱太史滄起道中卻寄太史授以所著易春秋纂及道書

纂二首

潞州高副使招觀金魚池

立夏後一日行太谷至盤陀驛

抵南關驛

澤州苗氏園留春亭牡丹

數花亭芍藥

行新安至陝州道中

過郭外王氏別業二首

移竹次韻

夏日行襄陵道中至臨汾二首

立秋前一日宿雨初霽行洪洞縣北五里憩道旁韓氏園池二首

介休張氏園二首

夕次靈石

靈石曉行

山行壽陽縣東遇雨水漲宿逆旅二首

次日早發

次平定州候代阻雨

寒雨二首

秋霽二首疊前韻 過固關

出關宿核桃園逆旅曉行

復過井陘口淮陰侯廟

出獲鹿抵真定二首

客自京師來見小男犬子

賦得老妻書數紙二首

九日劉吏部公勇邀同龔大司馬芝麓梁侍御日緝王儀部阮亭汪農部茗文諸公郊外人家尋菊卽席口號

又和劉韻

登華山青柯坪

澤州陳翰林太翁太夫人雙壽

二月十二日龔司馬招同諸公讌集黑窰廠限花朝春陰韻四首

題李書雲給事池亭二首

夜集李書雲給事池亭

陳同年遺像二首

八月初七夜集梁家園李氏莊泛舟觀燈和龔大司馬原韻二首

送妻子至潞河登舟卻別時將之秦二首

龔大司馬招同吳翰林玉隨汪農部茗文王儀部阮亭程會元周

量李翰林湘北陳秀才其年陳翰林子端劉吏部公猷梁侍御

日緝魏駕部子存飲餞黑窰廠分拈杜子美秦州雜詩二十首

原韻見贈依次奉酬

八月廿八日雨宿天寧寺

過蘆溝橋馬上望西山

夕次良鄉旅宿

歸鴉

真定除夕四首

真定元旦

真定客舍對雲二首

○第六卷

五言律詩三

夕次湖口

雨中渡湖展母柩

過舜民姪小齋

飲惠山蔣氏山樓

鴻雪堂

醉花巷

雲在亭

寒山徑

春雨

春半過園居三首

悼亡

庭中丹桂盛開而逢夜雨次日喜晴

壽吳玉虹五十

九日同周子叔陳椒峰龔瑯霞飲舜民姪一草堂限天字二首

秋日龔瑯霞攜酒楊氏園春曉閣招同諸公即席用工部何將軍

山林韻十首

飲楊青巖近園同諸公和工部重過何氏韻五首

舟過惠山望晴雪

游茶山吳氏舊莊

積雨閣前泉漲二首

荆溪歸舟夜泊和婦韻

王石谷四十

四月初一城隅進艇野步泊白雲渡二首

七月三日猛雨暮至曉用工部好雨知時節起句題二首

大雨頻過

九月晦日詠菊

句曲道中二首

飲崑山葉亭玉齋坐中徐筠拂命賦高季迪山色半城中得青字

又和看菊

春鳥

對雪二首

何處生春早十首

秋至

小樓秋夕

微泉閣邊桂

青墩桂

兼葭莊看菊

甲子元旦二首

惠山夜泊訪寺僧所藏元季竹火鑪未得見二首

蘇州早春

步至白雲渡觀競渡

上元

閣前小山東麓古梅一本花出山腰坐松下石上俯觀

二月廿日生日清明

聽蟬

秋園

八月十五同諸子小樓兩坐待月

青墩桂叢二首

小樓秋日示諸姪諸孫尋仙佛者

夕烏

小樓望晴雪

除架

余鬚幾周尺白閒頗見數十莖尙黑詩以自嘲

著僧鞋

紙糊窗

病夜

搗鼓

鹿茸

獾皮坐褥

烏骨雞

兔腋絲襖

○第七卷

七言律詩一

送同官王年文充琉球冊封使四首

題桐江圖

賦得雪盡馬蹏輕二首

聞雁

戲題釣雪圖壽琴客王若愚

贈某萬戶

新賃半園移竹

送紹興守

題惠泉酒家壁

玉山草堂詩

常熟秋日邵無盡置酒

女道士卞玉京索和吳祭酒琴河感舊詩

送辰州守

送蘇州守

迷樓故址

題吳門顧氏池亭

立春

同道

端午京師書事

燕邸除夕同婦守歲

初六日立春

廣東開科送劉員外主試

卞氏西泠闡詠

子游墓

方吉士春盤招飲走筆謝之

京邸春夜卽事

張給事招飲齋日不赴走筆戲謝

某官濬練湖

送同年李御史退庵歸省

送王主司蓼航公歸輝縣終養

吳御史雪航五月生日

戴同年帖瞻招遊華不注獨登絕頂題詩崖壁

賀青州道陳同年

青州正月十二日暮雪用東坡韻二首

暮雪不止婦和前韻答二首

雲門山二首

乙未初度

呂同年邀登日照縣望海亭懷琉球使者王同年卽席口號

安東海上人家屏閒刻王元美提兵大閱詩步韻

安東春遊蘇御史故莊三首

風雨宿寶應縣南

揚州渡江六首

歸泊丹陽

過虎邱感舊二首

己亥太倉元日

雨二首

二月踰三月雨不歇

鶴林寺

二月十九日遊支硎山

寒山趙墳二首

吳門逢虞枚臣二首

九日石湖登高

吳山秋望懷古二首

湖上雨

題湖心亭壁二首

岳墳二首

孤山晚步

送汪徵五同年之官湖南

林逋墓

燕子磯遠眺

弘濟寺後石壁

馬跡山觀梅三首

平原弔東方朔

五月初四德州道中感舊二首

五日途中口號疊前韻二首

登定州浮屠

井陘口淮陰侯廟

八月十五宿平定州署有亭樾榜顏問月因思往事

八月十六夜行壽陽縣東見月

九日王給事念蓼李都督招飲榆中泉池

登易馬城望河套懷古五首

至日發平遙二首

暮抵南關

懷州雪後登高臺寺閣

東昌懷古

寄趙五丈三首

石學士轉吏部侍郎

送常熟邵行人無盡奉使淮右便道歸省兼訂還山二首

己亥除夕

送秦中楊御史同年分守川北道

送同年蔣給事分巡九江道

○第八卷

七言律詩二

登觀象臺三首

九日同王國子西樵諸公黑窯廠登高書事二首
壽蔡漕撫

寄賀姜給事內陞歸山陰

庚子除夕二首

送施御史歸松江

季御史巡鹽河東

辛丑至日

上有事 南郊恭迎

大駕三首

真定梁尙書考滿

小樓晚晴

送同年吳御史分守荆南道

奉和趙左都見贈

同李元仗邀趙小齋置酒

趙用前韻再報復疊來韻

九日抱病獨登小樓次杜百年多病獨登臺韻

送于御史內陞歸里候補

冬日旅思和李元仗因悼亡婦

甲辰元旦蚤朝二首

生日內監試闈中作二首

仲春同王尙書明遠樓登眺依韻奉和

萬壽節賜宴

奉和葉訥菴汪鈍菴見過三首

小樓春坐

飲汪鈍菴齋中籐花下

行經西苑四首

高御史巡鹽河東

送李將軍鎮京口

重陽後一日同年王侍郎冰壺招飲以病不赴後十日同年吳侍

郎賡菴復招飲尙未能赴賦謝且招之

送何子之官奉天

送同年張兵部念瞿權關淮上

壽洪少傅李太夫人

和梁尙書韻送泰興季御史歸省二首

奉和李元仗感舊

春寒閨思

無題

揚州

曹生中表新婚

謁楊忠愍公祠

壁閒有和姑蘇女子鄭州道中詩者鄙其詞作此

徐溝道中懷古

自鹽池緣中條西麓行三十里至王官谷王氏莊二首

夕宿萬泉縣

滎河縣遇雪甲午年青州雪夜同婦次東坡韻今追和之得四首

蒲城晚眺懷古

蒲城道中懷古

三原縣東雪中口號

投陝督白尙書

遙望長安懷古

寄金亦菴

平陽道中

三月廿二日汾陽道上見梨花口號

洛陽懷古

白燕

過新樂官舍壁閒座主許通政菊谿同年李侍郎退菴題詩皆成
故人余丙申秋過此曾有詩和許原韻時兩公尚存十年以來
存歿頓異感用原韻

定州東坡雪浪石

李書雲招飲齋中和李韻卽席口占一首

從李池中乞荷花戲疊前韻

送王侍郎祀會稽

送董副都祀南海

壽合肥程刑部同年母太夫人七十

韓總兵壽

花朝龔尙書招集黑窯廠口號

三月廿八日劉吏部公猷陳翰林說巖王禮部阮亭程翰林翼蒼

程會元周量李翰林湘北李御史召霖吳翰林嘿巖宣武門河
亭觀新柳

李給事女合歡詩

杜尙書見贈依韻奉酬

八月初十夜重集李氏莊鐙船釣魚酒闌樂作口號和龔尙書原
韻二首

姚給事龍懷置酒追餞卽席贈詩依韻奉和

樓桑村

張桓侯店

九日臥病眞定僧舍簡梁尙書

梁尙書花燭詞

眞定曉雪示家人

眞定元夕

眞定立春

十載二首

題閨人扇畫花閒美人悼亡

琵琶

黃鸚鵡三首

白櫻桃二首

臘梅四首

鸚鵡梳翎六首

紅蕉二首

○第九卷

七言律詩三

將歸里途中有作寄親故五首

樂城道上深柳

輝縣護國寺

行經淮右

天長道中

秋日答楊參議韻二首

庚戌元日攜家惠山舟中作二首

放舟尋梅遇雨泊惠山用元日韻二首

雨中泛舟虎邱觀某氏家伎因憶舊遊二首

復和前韻示吹簫婢

辛亥元日四首

和龔閨媛臘月望前一夕夢亡妻

綠萼梅

朱砂紅梅

玉蜨梅

姪舜民將之燕和賓實姪韻二首

楊花

近園牡丹卽席口號四首

春盡日看薔薇和韻

莊春坊蘭語堂觀劇二首

和秋思韻八章

喜雨四首

夏夜泊惠山

夏夜泊楓橋

太倉王太常煙客八十

荆溪紀事四首

除夕同婦守歲用襄陽韻

元旦復同婦用襄陽韻

城西桃李谿

楊參議園避暑和韻

初伏日劉同年軒中避暑依楊韻重和

錫山浮屠

秋感

七夕和莊春坊並蒂蘭韻

顯慶寺僧以湘竹易書謝子蘭有詩題寺追和其韻

過宜興潘氏新買園

攜家荆溪用舜民姪荆溪泛宅韻戲寄

癸丑元旦沈繹堂探花見過二首

牡丹經雨和韻二首

五日觀競渡二首

七夕示家人乞巧者二首

秋興次何大復韻八首

對菊

宿留安陽山楊氏園

楊氏丙舍山園小飲

至日次湘靈羹字韻二首

甲寅元旦四首

人日積雪自二日始三首

常熟錢尚書拂水故莊

末利

五日湘靈辭字

諸將和杜韻五首

庭桂時發秋蘭亦花招同年黃刑部艾菴楊子芝田舍姪舜民輩

小飲黃投詩屬和二首

挽湖廣學使者李元仗二首

除夕

○第十卷

七言律詩四

乙卯元旦雨雪

送楊陶雲之官九江步令弟芝田韻

生日得三字二首

賞杜鵑步黃同年艾菴韻二首

五月三日觀競渡二首

五日二首

閏五月五日疊前韻二首

逃暑酒浙和工部韻

金壇顧龍山

八月十五夜微泉閣坐月

八月十三日飲鶴莊叢桂下示舜民姪

九日孫氏放園

虎邱至日

除夕二首

丙辰元日用除夕韻二首

春雪

春雨二首

卽事

久晴得雨余有春雨二詩霽後湘靈至有喜晴六詩無何乍晴乍雨淒風東來白日西匿草生花死春盡其中次首章韻續得六詩

二月三日朝霽楊芝田招同湘靈飲葛仙橋西宅中更酌東園春曉閣閣俯殘花薄暮復雨仍次前韻二首

生日雷雨仍前韻

雨中移蜀茶一本高尋常大逾把活而得花仍前韻

連雨惜花仍前韻二首

久雨垂二月末仍前韻

宴錢燕穀桃李園旁升高把酒望花之顏猶坡公看山謂如人之

旅行牆外而見其髻也仍用晴字韻二首

夜雨朝霽起看海棠

為宜興周年悼歌姬

喜晴小飲次湘靈韻

攜家人至江陰答夏同年贈詩

丁巳元日三首

立春積雪

青墩觀梅二首

次前韻又二首

七夕池上微涼示湘靈二首

九日無菊以病止酒登泉上小山

婦病廢詩次九日韻催之

郭令太母黃太君壽

湘靈夢中句云乍登覺地心先冷初入仙班體便輕屬和

病不食蟹

丹徒懷古

泰州陳給事招飲二宜精舍二首

戲索波斯香圓於惠公子

戊午元旦四首

五月三日虎邱觀競渡

五日白雲渡觀競渡三首

壽黃同年

七夕和韻

古跡二首

崑山李民安北園看菊李有詩次韻

李民安置酒北園同令弟蒼助徐筠拂贈詩餞別賦謝用來韻

雁字次韻二首

小集花下送錢湘靈之江寧次黃艾菴韻二首

脾病飭諸子遲病少閒續舉文讌

次前韻答諸公見和之作示湘靈

又有感次韻答毛同年卓人

又次韻答史同年庸菴

又次韻送十六姪舜民之京

楊大將軍從華亭送雄鶴一隻賦謝二首

雪後

立春二次前韻

除夕三首五次前韻

己未元旦二首七次前韻

閉戶八次前韻

送錢湘靈之江寧鄧氏九次前韻

漢庭

次前韻

春日池上三次前韻

張鐙邀管月夜小飲奉和原韻

青墩荷花

紅梅閣九日杏花同舜民姪和龔琅霞韻五首

波斯香圓次韻三首

鶴革毛拾爲拂枋以湘竹筆管次湘靈韻二首

○第十一卷

七言律詩五

庚申元日

平涼平三首

三醉芙蓉二首

微泉閣前三醉芙蓉一本次前韻二首

青墩叢桂發花舜民姪招同錢湘靈顧露生遊宴余宿留次前韻

二首

虎邱寓樓晴雪三首

九日尋龔瑯霞賓賓姪紅梅閣六次前韻

李御史至七次前韻

虎邱老僧煮茶八次前韻

曉雪九次前韻

爲錢子燕穀悼亡次湘靈韻二首

壽黃艾菴同年次其豫慶韻四首

錢湘靈七十二首

辛酉元日微雪晚晴

梅閒雙蝶因思宋人粉蝶如知合斷魂之句未工

臨砌杜鵑和箋字韻

喫楊梅口號

七夕

嚴御史見過因話李御史二首

見吳氏廢園新雙桂海棠二首

賓賓姪五十三舉子

湘靈兩次前韻因再和一首

王獻甫七十壽

誦筭上人能詩惠我波斯香圓

祖吏部生日

壬戌元旦五首

鄧尉梅花三首

同年毛補菴屬和唐人李紳蘭陵建元寺寒食詩

端午次前一日聯句韻

又簡楊編修芝田限藜字

題玄墓寺壁

秋日同錢子燕穀泛舟白蕩尋菊吳大聲蒹葭莊醉歸吳贈花索

書二首

對菊篝燈小飲三首

蠟梅和錢尚書韻二首

楊按察之官贈以一鶴

諸公和范成大甲子元旦詩見示作十首

奉送余左都

九日小樓諸子看菊

上甘露寺題其閣曰江來因書所見

瘞鶴

寡鶴

逸鶴

諸公有和者再次前韻三首

小樓望晴雪

乙丑元日拈得百年再遇歲朝春遙同錢湘靈二首

錢寄示遙和詩復和二首

雪後微泉

雪銷二首

不寐

春鳥

細雨

春雪次東坡韻二首

春寒

負暄

巡檐共索梅花笑

夜雨

檀香梅

歸鶴

至松江弔同年張子美

贈許翰林同年吾宗闓石蒼水兄弟

坐闓石齋爲予置酒

缸中白蓮四首

玉蘭秋花

○第十二卷

五言排律

賀許座主四十六韻

除夕憶幼子

孫翰林太翁太夫人雙壽

王兵備招觀紅石峽步石閒韻

龔左都五十壽

賈駕部山林朱將軍攜酒同過

乙巳除夕

上吳尙書廢庵四十韻

冬至前四日雪十六韻

冬至後五日疊用前韻

七日

梅花喜晴疊前韻

西齋雨後杏始花玉蘭將放同婦小飲聯句十韻

六十述懷一百二十韻

癸亥除夕守歲示家人十二韻

左足蹇

孔母陶太老夫人壽讌

七言排律

魯將軍談邊事

梅花映水春雨製幔示婦

十四夜鐙

橋成泉上

○第十三卷

五言絕句

春夜坐至公堂賦呈王尙書

青柯坪

題田學士畫障子

玉蘭和韻

七言絕句一

庚子奉命監試口號三首

泛舟光福西滄觀梅三首

袁同年納許姬四首

南旺謁宋尙書祠

聽歌

贈李都督三首

清化鎮口號二首

登銅雀臺

和吳祭酒梅村韻送王玄照八首

寄流人季同年

西湖暮歸題酒家屋壁

楚峰悼亡四首

舟泊婁江寄內

沂州守將臧送惠泉酒一甕輿中口號三絕句賦謝

重過歷下弔李易安

題畫

綠萼梅

玉蝶梅

代書二首

過喬較書舊居

夜遲妓

優譚詩

春園

題初祖像

脣鬢

京邸題憚香山畫

李侍御夫人挽詩三首

元日書感

十四夜對月

八月十五虎邱坐月八絕句

乙未除夕十四首

曉發崑山

過崑山有感五首

元日蚤雪追和亡婦韻

晚晴復作二首

送同年錢侍御重題一絕句

京邸盆梅口號四首

壽李侍御太夫人

王侍御太翁崇祀鄉賢二首

卽席有贈用王龍標韻同龔侍郎吳兵部

崑山徐狀元太翁太夫人雙壽二首

餅中牡丹悼亡

宮詞八首

口號

○第十四卷

七言絕句二

清苑雜詩四首

報王撫軍懷舊口號

過壽陽和昌黎韻四首

理馬

借馬

驪山溫泉五首

望普救寺口號二首

贈張萬青三首

馬上迴望中條山口號

夕次壽陽復次昌黎韻

過獲鹿郵亭見屏風上余去年書報王撫軍懷舊口號次前韻

題文衡山雪景二首

繆狀元太翁太夫人雙壽三首

壽熊侍御太夫人

和吳默巖韻

和李湘北韻

和汪蒼文韻

和程周量韻

和陳說巖韻

送安南使臣楊職方

題梁次哲江村讀書圖四首

題王阮亭畫冊二首

九月初七夜集梁家園李家莊泛舟觀燈口號

重題瑤璃河旅店壁二首

重經清苑口號悼亡五首

梳頭

花檀梳匣二具

開封懷古五首

靈璧虞姬墓四首

讀古月軒詩十首

和龔閨媛詩十首

暮雨攜婦過虎邱二首

小飲玉蘭花前限三爵詩成

雨中桃花海棠三首

攀桃檐下避雨

送吳三十五之閩中訪親三首

和唐六如題畫三首

白海棠一樹

齋中積雪同婦得花字三絕句

悼亡二首

題畫梅壽祖使君

贈江陰劉都督二首

放船光福挈家人喫楊梅口號寄楊編修十四首

壽楊元凱大將軍

題趙文淑畫

四皓圖

觀起兒齋中菊花口號二首

東風

二月廿日大雷雨枕上口號二首

附絕筆

微泉閣詩集卷一

武進董文驥易農

五言古詩一

擬古詩十九首

行行重行行

恩恩復恩恩行色雞鳴中死別如流星生別如轉蓬相見無後期
相思萬里同海燕飛自西伯勞飛自東思君令人瘦骨出落飛龍
願爲白日光照見行人面庶往共饑渴棄置終不變

青青河畔草

陌上芳草薰樓頭楊柳色梁閒雙燕栖機中人獨織終日不成疋
鴛鴦難比翼游子多歡娛思婦長歎息歎息桃李年歸時不再得
青青陵上柏

崑崙桃實紅蓬萊禽獸白人生四海內曩空在大澤斗酒且永日
焉用矯雲翻年少走京華濟濟攀龍客狹斜趙李家馳道金張宅
將軍旣驂乘少侯又列戟買珠者誰子漢宮本綠幘龍馬流水車

儒冠爭辟易朝生曲如鉤夕死直如石逍遙物外游日月不我迫
今日良宴會

高會多佳日同心從我游繁手發秦箏法曲和齊謳醉酒飽嘉德
賓主成獻酬君子貴謙謙磬折自寡尤座客前致詞飛光忽我道
富貴人所欲執鞭亦可求迷方獨何爲驕語輕王侯

西北有高樓

日出東方隅照我西北樓窗疏隔綠煙簾櫳捲玉鉤上有過雲聲
慷慨復和柔彈作陌上桑能知曲意否春蠶自有絲之子不可求
少年徒嗷嗷夫婿遠封侯願逐雙鴛鴦微波無輕舟

涉江采芙蓉

相知貴同心相別誓沒身何以贈契闊折梅寄遠人食實常苦酸
食花常苦寒酸寒各自知相思路漫漫

明月皎夜光

凝霜被庭皋草木忽改色金波正三五玉衡指西北賓鴻向他鄉

歸燕適誰國秋氣令人悲扶戶蟲唧唧故人隔雲泥對客頗相憶
望其或推挽便惜舉手力同歡棄相印盜患失與得王良不能策
匏瓜不可食結交恃虛名刈蘭而種棘

冉冉孤生竹

黃姑限河梁織女勞七襄夜半何曾渡終古遙相望君爲湖中水
妾爲水上萍託身從風波吹我落沙汀蘭若滋春風涉冬已乙乙
盜隨眾草萎復見蘭芽茁君恩貫四時妾心自如一

庭中有奇樹

種草當種蕙種樹當種桂草木有芳根眾愛不能蔽薄言采其華
聊以寄密契豈無朝槿好朝榮暮已替

迢迢牽牛星

高奔萬古月姮娥築懷清寶鏡閱三五靈藥求長生浴從碧海出
霧向青天明事羿不得死豈悔昇天行

迴車駕言邁

巾車游東園豔陽照桃李朝花泛光風日暮隨流水萬物更變化
青春不吾俟早歲立功德皋夔與曾史登高望邱壠榮名安足恃
夷叔與齊景沒世竟誰是

東城高且長

神皋環縮轂高覽盡八荒百草秋已死幽都如殘陽青春始軋乙
玄冬已斂藏貧窶傷北門榛苓思西方何不自高尙酒酣發清狂
小婦本趙女趙瑟彈鳳凰中婦亦吳姬吳歛聲滿堂大婦持門戶
婚嫁儼成行時時望龍胡雞犬白雲鄉

驅車上東門

步出上東門北邙多墓田薤露與蒿里纍纍孰爲賢在下尋螻蟻
在上飽烏鳶誰知南面王髑髏樂陶然送死安足悲達生貴自全
西山一丸藥牀頭百箇錢盡付酒家胡快飲乃得仙

去者日以疏

去日不復來來年棄我去桑榆期東嶽安得回日馭首邱樹粉檀

故里愁道阻羈死爲鬼客空精復何據

生平不滿百

百年無修短得失自相判三萬六千日開口笑者半陶陶得汝生
盜作身後算營營失汝生金玉變憂患仙人下視之彭殤一朝且
凜凜歲云暮

春風從東來春草萬里綠客子無春衣帶斷不可續皎皎新白苧
裁成無雁足晝悲久離別夜夢同栖宿海水空際天落月猶滿屋
魂來何其遠魂去何其速宛宛夢中貌白晳燦眉目慊慊夢中情
貞心比金玉念君平生歡送妾一生哭

孟冬寒氣至

八月秋氣悲涼風吹萬古愁人愁夜長寒鐙耿蟲語招搖轉闌干
夜光育三五獨宿懷舊交附書何所阻惟有新知樂無復別離苦
今日化菴蕘昔日蘭杜蘭生莫當門見鋤乃自取
客從遠方來

客從遠方來遺我玉連環玉以表貞白環以明交關方寸邇萬里
同心不同體引椎環可解同心會雙死

明月何皎皎

日落望秦川隴頭腸斷絕斷絕誰可語隴水共嗚咽歸鳥鳴關關
離獸走子子客子常抱影在陰影俱滅淚隨隴水流流離散成血

孤桐篇

孤桐託龍門百尺上無枝凡鳥日相噪鳳凰安得知豈無三珠樹
珍木多離奇終遜半死材清濁皆中規信蒙雕斲巧膠漆固不移
絙桑遇知音六馬中躩踞髮鬚見聖人白雲飛九疑不羨山木壽
以身事工師

庭梅

歲暮眾芳歇江梅乃懷馨本以高士姿託身君子庭嚴霜獨搖搖
春風早亭亭開時月共影落處雪同冥百花作繪後素質當先零
終賴造化力其實常青青

訪僧不值

牀有解虎杖几有貯龍器經聲度白雲遙聞童子偈問師來去踪
落葉深山寺

春夜登惠山

山水有佳氣昏旦恆不同空山清夜游視聽變眾容路晦光逾迴
谷靜聲乃從湖雲過高岫海月涵九峰漠漠生煙樹星星度暝鐘
松籟禪中定泉源山下蒙時聞金琅璫微動水聲中賞心向寂寞
繕性於斯通

春望書懷

池魚思江湖籠鳥思山林金闈雖通籍邱壑終素心心跡未能一
卽事得幽尋白日騁急御青陽乘故陰光風被蕙徑芳樹冒遙岑
懷情屬春物欣欣寄興深荷鋤看老農執戟容小臣

時將北首燕路側身

夷惠閒斟酌師古人
發廣陵至邵伯湖

朝發揚州郭津吏無將迎夕宿邵伯湖浮客有期程日垂方艤楫
星闌已晨征回首廣江界越鄉辭父兄延想清淮甸遠游仗友生
旣命千里駕聊託孤舟情目擊湖水永黏天相與平西南入異縣
水旱共滿盈漫汗無端倪琉璃堆太清風濤舞活活日氣射晶晶
菱芡不論錢玉藕雪作羹鱗互以食犬唼喋鳧鷺鳴水宿雜漁商
魚鹽走奇贏南颿適吳越北榜指燕京細人徇財利君子徇功名
以此物外牽而我亦營營粟馬資張儀宦游倦長卿何當謝干請
息肩偃柴荆

小園秋霽

七月始驚秋輕陰生微寒潤溼盡不穀高田良苗繁皇天行施徧
物受各有端我生免負耒 聖澤霑微官棲遲邱樊下容膝矧易
安高齋據林壑步履俯哀湍白小一二寸宗生兩三竿燦燦靜水
花蕭蕭歇幽蘭疏雨過長林流惡三江寬洩雲無處所風牀足盤
桓珠柱時在膝玉璫常不乾微祿仍望歲杭稻聞可餐

方吉士見贈奉答

渥洼汗血種七日見千里虎豹未成文氣已食牛矣方生金閨彥
求我過燕市憶昔識方生方生甫童子十六詠鳳凰搖筆便落紙
工在五字詩長句亦纏纏二十作文賦陸機那足比英妙無童心
神寒映秋水子曰天廟器父兄各歡喜十八偕計吏十九紆青紫
中禁選詞臣起草明光裏予亦游京華旅食而求仕臣驥六尺長
侏儒飽欲死窮巷但蓬蒿方生款門是不見六七年華蓋偪玉卮
萬里羨龍媒七尺加馬齒予則閒散宜捷徑慚馱馱長安分交游
賢愚詎相擬朱門厭酒肉陋室飽文史盡日把君詩歎息成坐起
想君聽我詩誰能不如此吾道本膠漆其言鬱蘭茝文章交有神
忘年予與爾

華不注

東嶽勢欲盡餘勇賈茲山邱陵莫閒遙突起蒼莽閒單樹拔其麓
虎牙齧其顏何必草木秀彼岨自匪頑我以王事便斯游遂躋攀

怪石落未落浮雲閒不閒雲根出於石石狀殆千百其陽見三面
黛黑遙相射自南自東西其勢萃以積衝然角而上若困獸跳躑
嶽然累而下若寢獸窟宅或攢高青劍或排澀土戟或如覆盆鬯
或如秩肴核或級如堂皇或削如鐵壁行陣整如戟布置散如弈
舒而平如掌負而立如跣趁而欲搏人怒而自相齧南上六百步
置屋於石隙祠彼古仙人憩我躋勝客祠傍折而西徑石相崩迫
直上一里許山腰造山額蛇行犬牙閒捫蘿濟雙屐躋頂平地少
仰面去天尺力稀喘喙眠徐起須人策俯視齊州城翼瓦分廣陌
明湖懸玉鏡灤泉織絡繹歷山亦破碎岳影渺空碧如孫顧祖禰
如帝朝百辟其陰俯山北石更奇且赤瑣屑不足名鼇背銳三脊
太華之一峰最肩兩向擘西北望峭亭湖埋土已斥甫也歇馬處
憑弔仰詞伯吟眺憺忘歸陟降日云夕歸來憶壯觀突兀動魂魄
空翠猶在眼團詞多格格綠秀如芙蓉語特寫其跡挂一而漏萬
草此補太白

發嘉禾抵武林道中

澤國界吳越出門皆可舟水宿數百里蕩漾乘安流艤棹鴛鴦水
朝登煙雨樓暮見湖上山蒼然盤越州是時九月交川澤潦漸收
茶蓼被迴汀葭莢蒼中洲上有楓樹林下有良田疇紅葉醉白露
客眼然欲留穉穉臥天風我飢欣有秋旁多千畝桑風鳴枯枝柔
繭市八蠶絲機織柿蒂紬妻子衣裳單絲賤寒易裘土產悉陸海
居澤足庶羞采菱不論錢得魚不論頭地俗既饒沃天氣適清幽
扣舷展遐眺庶以寫幽憂何當竣王程浩蕩隨白鷗

穆陵關

驅車上大峴百里少平陸隨山行幾程是日入荒谷連峰蟠西南
東互渤海隩全齊昔賜履穆陵表南服十二爭一門設險走巖腹
層岡相枕帶細路懸幽獨兩壁擁諸嶺一徑中臻麓奔峭苦跼步
陂陀進難速輕策方樹杪憩鞍忽地軸陟降散徒旅仰面失僮僕
肩輿互低昂山口更重複遠岫望欲窮峰盡一峰矗積峽路如窮

啟閉相倚伏冥頑足蒼石燒塢乏佳木山根流細泉渴飲僅盈掬
素沙需沮濡改轍陷獨漉草動怕長弓椎標不買犢求盜列弩父
囊中淨無蓄往來各苦辛過險冀平福小車何連連推挽艱碌碌
驢背負且騎抵戲四蹶縮小人役口體君子殉榮祿一官奉王事
四月犯炎燠路難免負荷聊慰窮途哭亭午出蘿逕山舒水瀉瀆
豁然原野開土田有豐熟俯入北海郡雄都建岳牧過此不守險
慕容遂傾覆其阻既采入下兵猶高屋一夫未足當百萬敢逐蹙
天下今一家割據休逐鹿天府銷長戟戰地無金鏃有道守四方
局榭奚高築

故關

流賊兵敗
從此西遁

神都壯西界天險設固關連山千里來微徑縷縷間斷崖刺天去
金城本塹山崇墉剗其缺雉堞紛迴環入谷騎擁塞緣雲鳥飛還
一夫荷長戟百萬未敢攀白旌昔奮呼來去無險艱防虞此何及
守在貊與蠻

晉水

懸壺山下泉漫流自太古溯洄上山椒行源經祠廡左右百步閒
嵌竇洩二乳翼然亭相望寒幾圓如矩左水道而右中池滎水府
弱藻無冬春含綠牽翠縷紫鱗一二寸清淺頭可數尋除灑灑鳴
水右激斯怒濫觴流東南灌輸無斥鹵溇之溉山田引之潤藥圃
嘉蔬足菜蔬宜稻兼黍稷寧知蒙稚淵屈注橫汾浦池上神所憑
唐宋自棟宇水旱禦大災懷柔秩明主唐帝告成功碑銘答厥祐
龍起一旅時叢祠始釁鼓水清如碧玉雜詠見李杜中唐兀斷碣
有宋紀其武蛟龍纏缺落藩溷倚相補太平興國字剔薛差可睹
悠悠越千年牲璧冀不吐老柏寄何代八九枝相拄聞是鬼之廷
肅肅敢輕侮恭謁廟貌新窈窕稱聖母玉佩五銖衣女郎馨芭舞
始讀唐帝銘桐封晉之祖畏壘服天潢俎豆世茲土朝雲廟固殊
陳寶祠曷取陰陽不具論功德要能薄凡在祀典者山川出雲雨
有物或憑焉美玉沈水滸徘徊去未能汲引勝鹹苦泉苔生凝沍

冰鏡結和煦當時蔭飛梁密契集肺腑驅車水聲中聲遠已亭午

姪舜民云朝雲陳寶泉若
冰鏡俱括太宗晉祠碑語

八盤

蜀道險五盤飽聞通劍閣八盤瓦石州其險則相若尺寸鮮平陸
土山道彌惡緣潤路更窮仰窅鳥道削俯谷遂無地返顧眩猿獍
鼻夫澀先登跼步進復卻肩輿半眠坐四體翻有著下車試馬騎
憐彼眾力弱蹶腕似繫維詭銜頓金絡下馬試徒步布韞慣躡屨
汗流被赤貌喘喙氣索索亭午凌絕頂高遠忽動魄身在萬山中
所歷那能度培塿小羣峰合沓藏眾壑如米聚陵坻如豆秩盤格
右眺帶黃河湍悍圻峽南流入關塞西下經城郭界破秦晉山
非關禹疏淪左睽得迴溪此溪我行昨蛇行齧山根明滅見一勺
其口入於河出山溪水濁桑欽敘河水云又南得離石水口離石今永寧州前峰與後嶺
徒侶走寥落地底看人小木杪我足躩側身下西麓陟降趾屢錯
迴首登頓處畏塗轉盼聘獨念山中人此土世爲樂牛羊山巔散

土室山腰鑿開田白雲中青天近耕作腰鎌上欵釜筋力婦姑穫
征夫叱馭情野人登危腳勞茲萬里塗貧爲一官縛吳山日夕佳
秋色自林薄

宜河驛西土室中食宿

阪上洩煙處此下停使車甕牖樓而入鑿空中乃虛空音穹隆四

壁危竈區一牀餘據地餐草草枕肱夢蘧蘧土崩懼將壓王命

負微軀歎息半秦民復穴沿漆沮我生萬室邑胡經鳥獸居他年

老巖穴積土比渠渠朱門白玉堂尙苦神未舒菅茹蓋牀席風雨

除琴書一身足偃仰何必廣敞廬

宿宜河驛土室

日暮荒谷裏破扉不容車巖室積土爲主人空所居行廚兼牧豕
客位連鳴驢寢食兩境難霜露九月初山寒夜方永敲枕思吾廬
緣無定河行

范河名無定遠使河之涘源自大荒來濁浪吼千里奔流何湍悍

微身閣詩集一
頽沙善崩徙地是古戰場四顧悲曷已其窟漲征魂貂錦三千死
時清無戰骨水寒終北鄙磨刀刀未瑩飲馬馬不喜一望塞垣深
九月邊風起北首朔河源怨此南流水

扶蘇墓

秦王輕食人其子自相誅家本千金賈燔書復坑儒直諫救諸生
諍子有扶蘇撫軍以監國上郡握兵符宮軍晏沙邱璽書付刑徒
矯詔遂殺適亡秦果自胡內舍遠伏劍適也抑何愚再請死未晚
況與蒙恬俱輻輳難久祕亂命知有無擁兵三十萬燹孽如摧枯
胡爲受賜死天心廢穿箭先亡伯翳祀乃殄其諸孤前星若繼統
秦祚莫無虞將俾不韋後世享帝圖我行向秦塞有墓傳城隅
蓬顆只蒙蒙朽骨猶區區伏臘開遺廟俎豆人爭趨葬藪何用侈
銀海黃金鳧牧豎延鑿火魚鐙照穴狐秦中祠二世魂魄厲匹夫
事同恭世子千載哀路衢

南關驛

古驛當南關道惡彌險艱中罅轉澗道兩壁立石山險壑歷冰雪
陽崖溜潺湲深谷日景促出岫雲氣閒陂陀盡耕鑿羨地抑何慳
人水互爭道改轍杳難攀左右綠澗行曲折屢渡灣積峽俄啟閉
路窮迷往還兀兀平肩輿靡靡亂石閒鑿落費馬蹶蹣跚慘旅顏
我生苦奔走鬢毛日已斑

過太行

其陰并州其陽豫州宋陳堯佑鑿天井關險道始通

驅車度太行千里青悠悠首尾盤三晉陰陽界二州馬蹶費垠嶠
羊腸歷阻修置身萬壑上平揖羣峰收石梁車轍古荒谷楓林幽
夷險計兩程其巔得道周耕鑿白雲破煙火青冥浮晨過迴車處
碑云魯孔丘此事雖附會聖哲貴身謀毀巢鳳不下殺胎麟不游
惆悵下山麓乃是前山頭萬盤見中原俯豁平田疇刺天少室影
坼地大河流回望身所從雲端杳難求此山見背腹頗得縱冥搜
是日喜出險竹光忽盈眸五丁未鑿石天井猶築愁休駕河裏縣
游子知所投

李同年貽葛

客從何方來貽我一端葛開緘卉服輕光明勝白氎含風尋丈清
疊雪盈尺闊客云當暑著汗雨無勞脫休作頭上巾醜酒遭麴蘖
又云子無衣風霜欺短褐何以當絀賓御裘猶粹蔡願與子同袍
披襟得爽豁領客珍重意中心增切怛袷服照賤軀輿臺并估估
牆櫺裂霧縠文繡被紫闥我生本貧賤草服稱緇撮紛華混韋布
樸素輕顯達我性匪所宜外物誰能奪念此自紅女刈漢向嶽薛
聚斂貢雷韶杼軸空鞭撻迴首銅柱標筐篚或敢過時價貴宛童
或倍於屬屍由來布朔土海賈走葛越彤廷重此物被服況微末
對客拜受之刀尺翦晷刺半臂補短爲截長足直掇長短裁縫餘
製婦菊衣裌涼風肘腋生前後何肅括荷此故人情異彼嗟來咄
服之永無斃浣否薄言曷

八月十六鄉人徐君朱君置酒龔侍郎芝麓高齋招同劉何實金
漢光吳玉虹及同鄉歌客數人夜飲玩月

幽州風氣勁八月已涼秋三五苦陰翳今夕微雲收明月生東海
須臾照高樓河漢上縱橫庭宇下清幽置酒臨前除綺席光欲流
華筵直數金名酒來滄州主人舊親友賓客成獻酬滿堂盡吳語
鄉心各悠悠合尊更促坐緩帶傾庶羞哀絲奮逸響急管度名謳
高歌在燕市遙思屬虎邱同是江南客相對成夢游

其二

龔公起卿相遠懷在廬霍劉子久爲郎淮南桂花落金侯來吳趨
羽林聽魚鑰驥也夢江湖霜威愧雕鶚我友吳延陵遠游負邱壑
不遇同鄉人不識故鄉樂舊山秋月明坐客吳歛作信美非吾土
淹留一官縛四坐且弗喧出處各有託公等寄安危驥也甘寂寞
欲攜我友歸青山尋北郭風月恣歌呼江山展戲謔誰能老京華
昏旦自相索

送邑子歸

雲中來乘雁萬里翔上林下飲瑤池水上集玉山岑各遂稻粱謀

引吭懷好音一朝時事異虞羅恐見尋爾獨東南飛江湖迥且深
我欲從之逝道遠力不任飲啄戀舊恩栖宿誰同心側身望故鄉
風雲路陰陰相送一徘徊哀鳴兩不禁

五月同年吳侍郎賡菴諸公飲王翰林冰壺齋

清和猶首夏餘興續青春招攜兩我友逍遙陶良辰忘形鮮拘忌
惟日迭主賓蕭蕭二三子自公如乞身主人有高齋蔭窗竹及鄰
主人有斗酒殺核從橫陳左右清風來坐臥羲皇人獻酬四五酌
耳熱發天真終宴時被肘緩帶多入脣坐客發吳歆酌酒更數巡
主人調素琴古樂不如新四坐且弗喧此樂真天倫觸熱襪襪子
相索京洛塵

其二

朱公禮數絕鐵冠猶折角

御史中丞吳子杞梓才秋茶蒙洗濯刑部馬

卿垂益傳未央壯榱桶

工部侍郎出同金閨彥夙昔侍帷幄王生禮部

暨張李只翰翰林猶舊學

先皇早樹人若旣勤樸斲公等寄安危

主少須嶽嶽驥也蒙一顧浮沈類方朔梧桐上無枝何以棲鸞鷲
知而不能言恐辱事君數幸有大臣在行將寶吾樸道固殊語嘿
讒亦免謠詠雙鳧飛渤澥豈忘去聲稻梁渥林下涼風涼田閒濁醪
濁故人會雲泥太平得飲啄今日良會難迴思如夢覺

諸公相送至彰義門留別

祇役懷往路西指太行山征馬鳴蕭蕭羊腸實險艱道周一樽酒
親愛相牽攀各言長相思努力速來還公等謝令名拂霧趨朝班
賤子徇寸祿雞鳴出重關河水有清濁不息俱潺湲駟有上下
局促同天閑壯歲使秦晉題名滿壁閒斯游一何屢蹉跎雙鬢斑
及瓜更秋月歸心折刀環拂衣已老大荷鋤向寬閒

琉璃河

橋下琉璃河千頃琉璃色金源昔全盛水邊稱樂國戚里富池臺
清流貫其側燕草碧芊芊雲木千章直寧矜亢陂上腴產華實

市朝陳跡變蒼茫
杳難識疏泉足溉田
佃作希農力沙上少鴛鴦
逝川三歎息

道中苦雨

西北久赤地淫溢乃秋霖
滂沱燕趙郊膚寸山雲深
青失千萬峰
白含楓樹林
王程犯風雨我行何駸駸
燕南多古道流潦浩浩
涔涔兩涯沒牛馬改轍不可尋
靡靡平肩輿十夫猶不任
泥塗細人力鞅掌勞臣心
乘傳役徒旅所憂在陸沈
何當白日光盡撥浮雲
陰

其二

白日行聞閭鐘鼓聲沈沈
居人苦昏墊行子憂滯淫
憶昔旅京華
黃梅正愁霖風雨不能蔽
青苔滿庭陰
魄然敝廬內
室人甘同心
米薪貴分飢煙火遲釜鬻
屋滿乃其寒
牀席溼布衾
吟爾苦雨詩
亡婦詩有聽我彈素琴
長別十年餘
懷祿遂至今
俸錢多于昔
蘭臺走駸駸
絆驥上太行
恐非力所任
禦窮祿不及
念之淚滿襟
不

如營丹砂白髮盈朝簪

滎河逢雪渡河作

積雪渡黃河迴望滎河縣
汾陰睚上祠蒼茫復何見
珪璧任方圓
虛無疑玉殿茂陵秋風客
金盃出中羨
世主復甘心
西祀東封禪
汾水只悠悠
素波逾練練
秋雁避寒飛
白雲自舒卷
中流發棹歌
擊楫衝洄漩
紅顏能幾時
北風吹人面

渡河行雪中作

擬孟郊體

白雪與山積黃河帶冰渡
萬物訴饑饉
二儀發縞素
寒木望如茶
病葉黃微吐
亭亭老柏青
四顧獨相杵
晉侯昔返璧
壁碎抵衢路
秦女昔弄玉
玉屑散煙霧
我馬沒鞍韉
我車犯凝洄
刻畫且微吟
東郭曾徒步

雪後韓城曉發

浸浸雪中路皎皎雪上日
漠漠凍煙開離離遠人出
梁山白嵯峨
黃河冰蕩瀟
枯葉黏寒木
孤茅壓窟室
我行越凝洄
山積紆置驛

仰盤土崩道崖傾魂自慄俯涉土囊口澗寒足易失沒馬策不進
人力胡能疾登頓得大陸置身乃萃棐高峰入雲白平原與天一
目眩肌盈粟頭風霰如櫛安得化爲鹽佐我理人術

積雪行邠陽道中暮宿逆旅
朝辭洽陽城暮停莘野轍草具還供張逆旅聊駐節我行嗟路難
陂陀厯冰雪積雪日華浮光搖皆欲決層冰度流澌村逕半明滅
須臾白日匿凍合馬骨折徒旅手脚皴皮肉死流血中宵未卽安
暮寒裘百結列炬費勞薪眾力爲我竭何以將 王命秦民半陶
穴

問始皇墓處

海上長生藥泉下送死具二者不相須變計聊日暮銀河雁欲飛
蓬萊蛟可捕宮車出何晚魂斷沙邱路羨門工匠閉黃土美人耐
死者如有知腐鮑亦堪惡魚燈照已殘牧火勢何怒穿近弩不射
重瞳收其賂此中無可欲南山何必錮我過驪山東指點疑枯墓

麒麟紅肢折草木誰復樹麥飯上邱壠坏土崩玉步千金寶客軀
束縛同山足神仙杳難求厚葬彌自誤百年有妙理飲酒服紉素
龍祠觀水 襄陵縣西北十里

城頭姑射山城上渺煙鬢靈湫何蕩潏龍性非冥頑凌波映冰雪
僊人或往還濫觴潤異縣赴壑通河關田田荷葉碧漠漠稻花斑
地聞桑落酒餉客醅朱顏人見揚州賈贈婦蒲鋸環風塵走晉鄙
到此非人寰村雞出花柳驅馬入潺湲水碓自然急溪橋屢渡灣
清冷野亭外絲竹山水閒吾生感流水水流心慙閒

郭林宗墓下

漢季多君子吾欽郭林宗一木支大廈黨人嗟莫容有道翔鶴明
人倫仰龜龍寥廓謝罽羅語嘿皆中庸庶幾顏氏子行藏繼高蹤
叢蘭秋不茂彭殤孰爲凶墓銘猶微詞殘碑訪蔡邕

護甲山分水嶺

護甲山上泉流離判然辨溯流自陰崖緣源下陽巘巖腹石領呀

澗底水清淺琴筑鳴潺湲城隍象陵緬跼步陟丹梯懸裝亂碧蘚
石梁浮花落古地開徑轉峽裏聞村雞雲中見山犬行廚次崖寺
出蘿已午膳赴壑忽濫觴渥水浩沙衍山行慙忘疲愁破謝足繭
游眺龍門尋奉先寺香山石樓童然而已

疏峰豁天闕導伊過龍門河洛邱墟改山川今古存西巖上嶄絕
乳竇下潺湲中流浸雨麓漱齧蟠石根諸龕徧鑿翠龍象泣世尊
穴石壁鑿石爲佛像殘僧上方少古寺劫灰論林壑影已盡高梧陰稍繁
茗泉脈清折荷泉流渾山楹俯清淺野艇興移樽山水響相答絲
竹音匪喧坐久孤鶴下隨意羣鷗翻半川崖傾日微波風動縈歸
鞍山月初回首山雲昏物役復城市餘清猶心魂

北邙山

陟彼北邙山纍纍滿昔賢松柏摧爲薪原陵犁爲田石馬臥秋草
玉魚出下泉而況洛城內歌舞化寒煙燕趙有佳人蓬萊有神仙
一笑輕千金一丸駐萬年

澤州官舍古松

憶昔松下憩奔走已十年丙申使秦還過此傳舍復來過相見彌蒼然霜

根蟠太行黛色摩青天盤桓仰車蓋偃蓋成屋椽使我戀三宿爲
君彈五絃種種歎衰白茫茫配貞堅歸山斲茯苓寶餌問羣仙

別竹

河東官舍

修修郡齋竹根自山中分山中泉水甘齋中灌溉勤寒窗夢風雪
追涼失火雲旣愛雨餘綠復倚夕陽熏相知經歲寒倉卒那別君
君居中條下我家吳江濱干畝煙漠漠數竿月紛紛豈無檀欒陰
終當念離羣琅玕字不滅翦伐戒前聞幸報平安訊無事甘蕉文
別柿

在北之宜柿如南之宜橘成蹊摘已盡此木方秋實官近郇瑕寶
移植中條阿利勝安邑棗干樹奚足多朱實霜團變碧葉風阿那
童窺有碩果雀啄無虞羅填委釋簿領逍遙盼庭柯顛顛久相對
恩恩歸奈何攀條聊駐馬戀戀一摩挲

晉水寒

僕本句吳人宦游適秦晉秦晉非我鄉水土成疾疢太華越中條
山削水奮迅吳人不能寒入腹如傳刃空聞崑崙腹河源日分潤
作麩金冰雪擊甌味虛俊夜雨君簷霽瓶罍稍充物居人憐病渴
升斗遺頗吝運城郇瑕氏之邑也其水鹽苦居人蓄雨水多者數十石久者數載不敗貯之蓋益頗相饋遺茶湯
計一句芝朮空復進飛龍似出骨白鶴漸凋鬢昔聞汝水瘦量腹
非不慎遷地弗為良微祿誰能徇我家惠山下乳泉石粼粼
過榆次弔荆軻

每惜刺客傳成敗論荆卿祖龍方不死劍術豈不精博進怯小敵
嘿去氣自平圖第七首見環柱秦王驚魚炙將狗屠幸而擅其名
筑中鉛不中沙中椎不成天帝正西醉智勇誰能爭

壽內父周翁

翁係前朝勳衛

昔聞五色瓜長安一布衣今見萬戶侯垂老甘食薇玉樹歌猶唱
鐵券功已非海潮田半荒秋江魚正肥衰白能加餐無患寒與饑

支離天自全七十古所稀劉綱婦得仙杖藜看鳴機息女雖非男
歸寧當依依猶子幸有孫昭穆遠不違吾廬近相託種樹仁成圍
眠閣廿年來冰玉詎光輝授我長生訣行將掉頭歸

穎州劉吏部公勇壽

蒼蒼翠樹枝淒淒霜露團百鍊剛其中繞指柔其端承家有高節
弱植良所難風流傾四座然諾滿長安詩畫藏名隱琴書樂事寬
桃花非世情上藥奉一丸清郎玉壺冰足以正百官悠悠潁陽水
枕流何太寒劉有姬人能詩

除夕

仲舒守師說從諛疾平津長孺亦太戇羣臣如積薪二賢纏坎壈
況我澹蕩人臥治宜拙疾災異敢妄陳八載負彈擊一麾甘隱淪
舉世方好少斑鬢已漸銀夜闌憶往事南苑清路塵庚子臘月廿四日召見

其二

絕世有佳人少入深宮裏一笑歸我妍天顏爲之喜千金賜父母
兼寵其姊姊忽焉攀龍墜惜不當熊死娥眉爲誰掃舞衣不復理
誰能嫁廝養陵樹悲風起

微泉閣詩集卷一

微泉閣詩集卷二

五言古詩二

戊申元旦

東風動萬物白日開八荒老夫愛風日晨起迎春光南榮負暄暖
庭陰積冰霜君門近九重先墓遠故鄉早朝已十年濡露猶兩喪
先人俱未葬舊年請假不得兒女頗長成兒子近失生母婢妾半存亡所仰嫡母慈毋
似老夫狂薄田飽汝曹寸祿霑
先皇歸舟及春水耕馱東皋陽

真定寒食

衾枕昧冬春驚見桃花開春光日駘宕客心死寒灰閭闔猶尺五
邱隴荒一坏馬醫無餒鬼墓祭紛紛迴陳情叫天門蕩蕩空徘徊
其二

江南二三月春色堪斷腸鶯花亂雜樹士女怨青陽映柳秋千出
鬪草裙衩香去此日已遠念此日已長夜夢生羽翼將春歸故鄉

其三

昔遊縣上山野火洗鬼雨歎息龍蛇章寒具風俗古有酒不盈樽
有羹嘗欲吐以死翹君過烈士一何苦晉侯不可作言祿祿曷取
其四

白日麗長安塵淄遊龍走風送慈仁花

慈仁寺有棠梨花二株

煙深玉河柳

拂霧朝

至尊日映求我友纍纍吳兒歌涓涓燕市酒酒酣耳漸

熱誰能復緘口一麾出京華諸病滯衰朽但免死道路敢怨歸期

後日暮漢宮開傳蠟敷北斗青煙趙李家夜飲客被肘柳躡花復

飛天上相思否

百泉

水源皆正出俯映蘇門高伏流跳海眼陰火沸雲濤安能究根本

直欲見纖毫淺深布石瀨紫綠含溪毛游魚乘空戲饑鷺恣貪饕

亂流防更落激澗春不勞遡回宛有嶼寅緣頗容刀珠璣泉百斛

金波月半篙水聲洗塵俗山影動周遭濠梁莊知樂枕流堯可逃

馬跡山

震澤未底定此山殆崩迫湖心數點青山根千里白松色被雲中

人煙散巖隙菓園雜梨栗芋田半肥瘠蹲鴟盍不饑千樹或生摘

心傷窮谷氓力盡本川役

雨過虎邱石上

蒼莽一成邱橫亙萬古石月容延遊人雨色留過客煙舍貝塔紅

雲擁巖扉白半嶺溼鐘聲緣澗滑履迹樹覺寒山春苔上磨崖碧

圓文劍水花洗雨生公席

過靈巖

崇巖鬱靈異石勢相蟠結松徑緣翠微雲根爭壁立禪扉冠山啟

佛塔當空出上有吳娃宮歌臺久蕪沒下有蘄王墳邴連思突兀

遂我樂山性佳處惟恐失

夏日接微泉煮茗示錢潘二子

古人樂泉石結廬在山園吾廬不在山階除即泉源涓涓落乳竇

活活懸石根，裊裊引竹竿。冷冷老瓦盆，茶香發陽羨。二泉豈獨尊，越甌浮嫩色。能清朱夏煩，世既有巢由。地不愛潺湲，所以洗其耳。枕流長閉門。

雨宿無錫縣感事

雨過眾山昏，雲低九峰失。泉聲入溪亂，樹色蒙煙密。晚鐘沈空濛，孤塔峙兀律。暮鳥何因依，候蟲自蕭瑟。與爾同衰遲，似我無儔匹。貧賤皆魚肉，富貴皆膠漆。虛盈歎門館，伏枕還唧唧。

渡西沈游南山潘氏莊看杜鵑晚開者上楓隱未到寺而返

銅官山若屏，荆溪水如玦。舍舟理輕策，十里樹行列。修纖竹洶湧，老大藤盤結。對嶺白雲深，鑿翠紅塵絕。荆籬當垣墉，茅棟隨階嶮。窗含花萬重，砌流泉百折。蜀魄託春心，移根凝去聲。嗝血深，色復數。叢深宮媵娣，姪其種。自日南，其房類安石。春鳥叫三巴，春歸淚不滅。

其二

微逕遡石榴，初地還三休。泉猶瀉碧澗，石自散荒邱。百金疏鑿工，

千金書畫樓。歌舞化梵唄，樵蘇近道周。齧樹虎唐突，興廢理有由。

楓隱本吳氏廢園下有石澗戴朽壤以數百金購名工周丹泉所濬主人無子葬焉蓄歌舞書畫愛黃公望富春山圖恐不能殉自焚之或竊其半欲上南嶽寺竹竿飲懸流寺後有瀑布山暝恐游客改步悄河

頭林昏煙素織，波澄霞綺收。入郭想幽異，隔水青悠悠。

風雨泊惠山

空濛朝暮雨，蒼茫八九峰。洩雲舒半領，遙盪山僧胸。涓涓瀉峰草，調調響林松。暝色迷貝塔，人境沈山鐘。村煙生萬樹，泉溜落百重。一甌汲清冷，十年洗塵容。中宵鼓洪鑪，寒冰伏魚龍。溼帆隨宿留，不繫五湖蹤。

虎邱用江總韻

帆前佛塔見人外，山鐘聞初地。石磴豁三泉，澗道分花雨。暮明滅，香草寒芳芬。曠可秋延月，高惟樹拂雲。諸龕爭鑿翠，堆阜忽超羣。何願此中隱，豈復羨玄纁。

送十六姪舜民之西江入東粵

大江遡吳楚春濤壯無梁從子將遠遊辭我向豫章豫章雖利涉
江路阻且長改塗適越嶠陸出車馬良資用苦無多一水易裹糧
負薪廉吏孫微祿族難望況我棄官久媿子遠飄颺

其二

飄颺經湖陰爲詠江樹篇彭蠡弔戰場銅陵飲紅泉龍光識牛斗

以豐城令爲地主

黃金兼錫連南州下懸榻都督賦當筵茫茫萬里帆二

江急如弦

其三

二江雖云急五嶺安足由羊城朔雪少象郡梅花稠此鄉足珠玉
能潤脂膏否瘴厲帶行客裝橐贈諸侯六月息廬霍九疑近羅浮
便謁重華帝雲暗蒼梧愁

其四

愁雲叫帝闈湘娥詠余美不如從富人有美贖其里堂上暮倚閭

閨中勞十指孤槎南斗外歸人秋雁裏白眼本方外犢鼻聊復爾
得豫竹林遊大人孰臧否
攜家兩過虎邱晴雨記候

一棹尋邱壑陰晴景不同春暉變昏曉山雨積空濛海月石上白
貝塔煙中紅鑿翠環紺宇層樹帶花宮法鼓中峰應蒙泉復澗通
閨門綠水外歌扇絲雲中拾翠多佳日清嘉自土風秦王西醉醒
吳子伯圖終何肉猶甘穎周妻且逐願停艫一太息山志淨諸空
夜坐虎邱東巖納涼

迴合巖際樹偃昞石根月追涼上翠微空外湧皓魄林樾俯杳冥
堆阜負出沒清冷火雲洗披拂涼風發青蘋舞陵藻天籟沁肌骨
鈴音自和鳴塔影正突兀諸天隱禪鐙趺坐貪佛日壯心老邱壑
雄圖悵吳越陰山雪欲流玉井冰初伐緇塵揚溷濁穢走朝謁
名山歸屢游眾芳夏未歇清暉含昏旦踐夕非倉卒
孫風山檢討招飲東郊園池

一壑周野水一邱帖巖石水通池宛轉石出峰崩迫名園綠蕪寬
 村徑柴門窄芳洲被嘉卉素瀨通步履水亭跨山椒磴道盤山脊
 石戴土九仞土負石一碧風蕩土囊清雲生石角白曲折有登頓
 憩坐無主客倚杖花百重離立松千尺心隨平野曠目與遠峰逆
 赤欄橫亂水臨池五畝宅池西浸翠微其東搖素壁人衣涵空明
 周流步檐隙舒晷宿欄楯遊魚戲簾額嬋娟竹蔭窗老大籐踰格
 移花本已拱韜樹年幾百接葉南榮傲追涼北窗闢豈須多屋宇
 聊足肆几席主人樽酒深流連數晨夕芳薰陌上草青出陂中麥
 東山留臥雲玉堂輕執戟日暮返重城城中何役役
 雨遊荆溪南山

山城向水開桂楫入空闊距陸平肩輿深翠森成列雲行千萬峰
 青白互明滅壠麥望有秋芳草欣佳節林迴峰負側澗委徑紆折
 山楹置陂陀菌閣在蟠嶼紫綠照衣裳軒窗積巖穴叢桂時落子
 蜀花夜嘯血潘氏山莊古桂杜鵑各數本數里竹蔽虧千尺松孤絕四山響絲

竹一尊變虹霓命酒徵歌山雨來空濛樵風冷騷屑風雨衝虎過迴車
 遂改轍上方阻未登曩遊屢所閱翠微祇樹園泉石定幽咽吳氏園今
為寺予舊遊有詩更上崖寺古瀑布如飛雪玉衡維時平乳贄不敢齧竭
 來歲月異苛政致饕餮山中患虎杖屨見高下城池險融結二水明如
 鏡長橋運如玦水宿淹晨暮山靈重離別洩雲藹下垂一半山橫
 截

登雨花臺拾石子地主盧生置酒夜飲

步自長千里秋郊行少昊陂陀負南郭融結團富媪長江帶其前
 太古自浩浩蔣山厲其後松柏半已槁牛首獨不朝龍蟠卜胡考
 割據終梁陳都會非豐鎬塔廟流堊丹城闕紛皓縞嵐翠圍芳甸
 流潮濩環島花雨散香臺天乃不愛道石卵韞巖腹地乃不愛寶
舊名聚寶山雨多往往得恍惚難幽討或扁如焦腎或殷如瑪瑙補天
 五色鍊支機銀漢擣遊女不敢出遊人爭藉草目歷滿陵谷力稀
 憩衰老主人騎飛鶴食我如瓜棗鴟夷金陵春邊寶羅乾蓀子以齋日

飽陷梅淮水東上月盈卮更傾倒照人盡古今醉臥無灑埽投錢
拾石歸廉吏宜自保清泉貯瓦盆江山在懷抱

冬日史庸菴太守頤真堂文讌卽席口授

昔我二三子壯歲事四方學宦無所成歸來鬢已蒼魚能直衛國
蟬識怨齊王學荒貴取友宦拙思故鄉共讀古人書言登君子堂
敝裘論歲暮文字引清觴木直不爲輪竹圓不爲筐賦物各成器
焉分枯與良

虎邱積雪

吳山一片石疏鑿如神功月容開尋丈雪色凝去聲數重圭璧成所
遇高下凍未融巖翠仄不受山枝斜半封碧瓦發縞素貝塔摩殷
紅冰池壓虎氣銀海印狐蹤指闕老柏青迴出饑烏黔太空鐘鼓
搖暝色琅璫弄嚴風清音異絲竹孤賞淨心胷吳人閉門外獨客
寒山中同雲結湖海萬象疑鴻濛石上雪所獨石上月所同
虎邱寒月

華月來海上磐石橫邱中二物得光被長夜開洪濛綺麗秋夕佳
照耀寒山空纖纖虧眷西團團盈在東冰池印如一塔影午始重
天霽映餘雪山淺稱朔風林疏影逾碎澗複光暫通半嶺煙霜白
諸龕燈火紅禪枝翻宿鳥歸僧扣花宮石上酒肉腐月中絲竹聾
愛茲萬籟寂坐久四山同鈴語吹調刁劍光隱朦朧松影守庚申
蓬心省鼓鐘巖居羨何徹廡下借周顒主人石月互萬古俄頃用
無窮

登安陽山同錢湘靈作

異縣面突兀數盤行翠微陰壑石斜豎嵌空難遲暉泉根泛巖穴
松色開野扉陽崖磨石隧混沌鑿危機采石斲其骨采木傷其肌
斲骨壤將朽傷肌并具腓不材安所處物外其庶幾送目眾山碎
盪胷湖雲飛足輕千仞崗崗勢振我衣手攬羲和轡轡緩髮可晞
同游况同志日夕憺忘歸
春雨招諸公小飲次楊芝田韻

春雨晝晦冥華燈繼光耀大澤聽龍蛇深山嗥虎豹霆聲連霰雪
吳國涸水滂侏儒幸休居東山紛徵調竹下筍欲萌松上蘿與薦
更植負霜花綺羅見高妙折枝寄相思巡檐還共笑泉石聊即事
觴詠且埋照與飲皆方外脫略謝津要文史共跌宕富貴豈所好
公子擅詩筆龔揚王孫入堂奧錢氏皆木瓢覆長生簷花落飛瀑
子雲酒半起高閣展游眺卜夜醉尉訶刺閨天子詔兵氣洗百
蠻神算憑七廟漏天補梁益尺五滑奔峭野梅根半冶晴放尋春
擢城南古梅半死

九月尋菊丁山人家索書換花以淵明日月依辰至句發端
日月依辰至上已越端陽俗尤愛蕭晨時菊繼眾芳酒金昔未盡
買花香滿堂芸黃本一色大塊增文章紫英疑染淚白萼蚤迎霜
或如鶴翎勁或如鳳毛翔華燈照無睡貫魚儼分行金銀識夜氣
濃淡鬪晨妝短者非太短長者非太長奇葩侍正色鞠衣配垂裳
一金直十本百本飛千觴金盡窮漸老花時只顛狂扣門東籬下

世家南山陽丁夫椒花如鵝許換字若蚓相當運腕數嘉卉畫手
輸輕香根移瓦盆合花叢老眼盲頽齡制谿水秋英充餽糧桑落
熟斟酌卻駐蓬鬢蒼盈園嗟五柳濁醪無由嘗

夜飲

八月廿四日放舟青墩飄香叢桂花裏張燈同舜民姪廷受諸孫

蕭晨快朝爽小山尋清秋行隨宿花蝶心寄蕩波鷗天香迎步步
佳氣蒸浮浮芳樹數十本叢生一古邱下根行布武上枝撐相樛
互阜錦步障拔地長黃虬北株放紅蕊東株爛銀鏤嶺南移自遠
玉斧孰為修林密自成幄薰臭窳有猶鬱鬱葉沈綠團團華壓球
朝光烘爛熳夕陽漏綢繆百和鑪中熱色絲繭內抽銀燭閒萼吐
華燈傍蒂篝琉璃空佛眼丹黃眩人眸葉底數花當花明映葉稠
陳后貯金屋麗華臨仙樓道家淡妝束顧影出嬌羞乍望吳軍火
驚燒即墨牛樹交炎德輝老看宿霧收仰面脰已悵戴星興勿休
風清恆噴鼻月黑未當頭光遠林中耀香凝露下流香光兩不夜

白日蔽燭幽衣露坐氤氲竹林成獻酬豈惜車茵汗廷受盜戒兇
觥觥子累金粟泛綠蟻桂枝折酒籌旬內未搖落樽中聊淹留明
年白首健從我定重游

四松

種松生者四數配草堂中種時半周尺十載生摩空一松偃盤石
孔翠張屏風兩龍怒鱗鬣雙松植其東小松附其西鳳毛雛亦豐
驚濤入天籟隔水奏絲桐松生微泉南崖石上雪封何了了雲網亦童童春
秀及觀化霜姿貫成功貞脆殊物理松老閱衰翁

病中大兒種菊瓦盆叢花置枕前口號

愛菊老成癖尋秋路每賒青錢問園圃白蕩訪蒹葭蒹葭莊在白蕩南主人多

種雜花市其本名花翦其芽歸來植丈室忽訝族秋霞今年西風

厲病閒步敬斜移兒東籬蕊置翁南窗紗提攜老瓦盆坐臥傲霜

花詩因識筋力酒但霑齒牙人就菊何從菊就人自嗟安得菊谿

水老壽同百家飲菊谿之水其人多壽

惡鳥

鴝鵒夜撮蚤老鳥尾畢逋二鳥性陰惡通夕聒老夫梟羹爾所堪
弓矢應貫顛烏盤爾為利梁肉潛通巫是妖實元惡厥名曰訓狐
惡貫或更盈別名曰無辜烏雖朝夕鳥貪惡跖之徒設官替族氏
聖世所遠驅驅之然有道昨戒平頭奴惡木蔓其枝惡鳥呼其雛
惡木枝既斬惡鳥雛不呼有此因有彼嗒焉先喪吾

微泉閣詩集卷二

微泉閣詩集卷三
七言古詩

登崑山感舊

羣玉山頭江水綠生長娥眉住山足謝傅偏憐最小安神如秋水
 骨如玉鑿翠名園开辟疆百度樂游攜眷屬髮垂廣額試秋千妝
 成水檻看結束竭來喪亂家國亡骨肉零落懽娛促塗炭流離董
 祀妻三載禦窮恩愛篤百事乖從偕隱來泥典金釵未能贖賜書
 誦憶財百篇絲竹東山歌一曲擬將此曲題故園寄聲兄弟寧相
 辱太史家風世豈汙守令郊迎寵還蜀琉璃作椀不堅牢芳蘭體
 變白蟻蓐結子落花花折枝眼枯長夜叫孤鵠已嗟謝傅隙過駒
 沉哭蕭娘風轉燭為題遺墨舊山顏依我嬌魂夜月還重過當時
 通德里戟門不埽晝長關眠閣書生未行晚尚書全盛只空山
 空園廢柴車出彤管長留天地閒

登州太守歌送徐同年

京國風塵淄素衣，寧論索米常苦饑。諸公衮衮登臺省，一麾出守自舉帷。朱君兩幡紫五馬，官莫榮於刺史者。神仙之窟山水鄉，況復有地堪陶冶。登州太守得郡還，我行昔並溟渤閒。遙觀東海如碧環，西北半卷登萊山。海中三神何縹緲，望見如雲未可攀。秦皇漢武求仙客，來往黃腫候神跡。之罘巨魚弩射強，榮成朱雁歌云獲。六王應逐海神降，萬歲能使山靈格。蓬萊閣上望蓬萊，海市相傳更壯哉。魚鱗屋駕龍窠改，紫貝闕湧珠宮開。鮫人泉客波中出，馬氣牛雲天半來。羣仙出沒動光景，海傍蜃氣象樓臺。神功怪物兩難擬，幻影偏從春夏起。此事恍惚難明論，興滅要有神靈存。東坡禱破海天凍，如開石廩行雲昏。昔自常州知此郡，五日到官遷擢近。使君人地頗相符，下車新政歌來蘇。雲石丹崖殺廉角，虬松碧海暴髭鬚。公餘爲政風流在海嶠，傳烽夕警無高句。麗賓鯨海晏，珣玕南走貂。銜吳玄菟城，今根本地使君臥。治何歡娛漫說玉皇香，案吏居近蓬萊輸此地。皇恩那許住三年，早晚徵黃推卓

異我今送君歌此行，自憐官冷冀爲郎。十年安得升黃堂，丹山碧水兼吏隱。道書晝讀焚清香，所望不過二千石。耕織伏臘歸方羊，誰能無錢官帝鄉。

徐誠甫山池歌

城西山水稱光福，家家臨水枕山麓。爲堵因巖鑿翠屏，輦來山石驅何速。萬頃琉璃兩瀆明，激行難使爲飛瀑。就中徐君占絕勝，山下寒泉漾山淥。廣深丈尺水旱盈，放泉出山流乃狀羣山當戶人所同。一壑侵階君所獨，石勢參差成自然。清池流止非瀦蓄，可憐照水四時花，可愛緣雲千箇竹。灌畦蒔藥近水邊，向背數椽成小築。過橋雞黍出山廚，綠澗鑪鑪烹茗粥。客來不閉客去關，枯棋一杯酒一斛。酒一斛山水之間醉，心目清泉白石穩。處眠山光潭影空中掬，致身福地羨徐君。山中似爾居堪卜，寫我詩寄君讀。君乎君乎池邊靈鶴山，閒麋鹿我將盡捨書籍賣。作買山資鄰舍東西結茅屋。

中山孺子妾歌

包山中空湖水綠山下女兒生舊族髮垂廣額上揚州廿四橋邊
教絲竹謝娘柳絮早成吟蔡女遺編自能讀百戰中山第一功身
襲重封十五六聞名南國有佳人收作校書司簡牘石家選伎充
金谷不惜明珠盈十斛兩行無色下陳閨七十鴛鴦多獨宿工詩
圖樣起妝樓綴壁香泥成小築畫眉計日供螺黛甲煎都梁薰霧
縠勳臣竊柄市私恩假父冒功朱紫服遂令天下父母心何必生
男食天祿有時度曲弄蠻絃內家玉樹傳頭熟有時分紙寫新詩
狎客尙書應退縮鳳花錦被席龍鬚枕郎臂膊加郎腹夜飲朝眠
晝啟關莫愁得後愁無復公侯帶礪映瑤光半醉君臣傾日轂翼
馬燕犀動地來龍盤遂失秦家鹿一片降幡百尺竿景陽井底空
潛伏鐵券丹書與國休五侯七貴俱臣僕妻請爲妾何足論官高
不得收骨肉金釵零落散雲煙女樂餘姿依草木沒入一簪難著
身在眼繁華事翻覆賜莊今已作公田甲第重過鎖官屋流落嬋

娟空谷居侍婢賣珠充半菽逢人強笑背人嗁淚痕暗溼橫波目
肯隨厮養嫁邯鄲娉婷且惜琵琶卜薄命不生全盛時有才自古
皆無福我過金陵問遺事金縷重歌淚盈掬中山女甥我舊人每
論舅氏興衰速家亡國破遂流離也爲父兄遭殺戮我作中山孺
子歌歌成轉爲舊人哭

迎春詞

太倉作

吳風越俗迎春日是日千人萬人出消息東郊木帝迴梅花早破
蘭芽茁太守排衙紅錦靴健兒緩轡嬌齧膝十對紅妝出教坊一
部梨園選音律青幡騶從簇春旂蓑笠土牛難致詰傾都士女待
春來句芒司神五穀實清瑄朱清張瑄宅東十萬戶肩摩里巷俱闐溢
新妝袷服照江城滿路香車鬪車軼長安水邊多麗人芙蓉城裏
神仙質湘簾掩映春風面祥羞半出簾疏密長短纖濃各得中髻
鬟安墮光純漆展高裙衩繡鸚鵡頭上步搖珠瑟瑟螭首娥眉腰
板圓明月壓衣都百鎰約指跳脫一雙金推簾皓腕光蒸栗就中

雲幕稱尹姑萬草千花誰第一垂肩擲袖內家妝翠羽海南冠聚
鵝妾家大道起高樓白玉堂深金屈戌夫婿生年不讀書錯嫁庸
奴厮養卒君家閨閣本來難公然出門恃嬌佚一朝身屬冶游郎
賣眼擲心何倉卒低語時聞笑客聲手香浮動傳江橘抑掄白地
斷肝腸爭看羅敷私啣啣此時在領願爲衣開新闔故甘棄黜此
時在手願爲扇篋笥秋風甘凜冽迢迢墜月就雲中高樓經擲胡
能恤慎莫近前防見嗔相逢未嫁應無術不知今夜落誰家淡紅
香白須臾失烏鴉不逐鳳凰飛野鳥還與鴛鴦匹此都好游鬪繁
華世人珍色空狂獠章臺走馬態何都湖亭水嬉緣莫必眾人嗷
嗷起長歎匪我思存勿相暱東門有女似雲茶縞衣綦巾吾願畢
玉鏡臺空謝傅門壁閒遺掛猶詩筆時子悼亡傾城名士兩相求嫁得
黔婁侍巾櫛盜誇見慣等閒看冶葉倡條無足述詩人作詩本國
風學賦閒情破愁寂

畫鯉魚歌

盈尺素練生波濤鯉魚風起揮霜毫老魚鼓鬣振鬣跋刺跳小魚
一寸二寸隨其曹下有一頭巨口鱗睥目厲吻何貪饕老魚有神
不敢動隨波掉尾而潛逃此是畫師畫龍種坐觀一坳綠鴨養龍
之水如臨濠金盤羨鱸費思牢還愁飛去乘琴高

呈大名相

復起新堂成太夫人壽七十

古來出相聞山東一門往往多三公韋平相繼漢臣重世表幾與
唐始終鄭李令狐稽族譜張家三相尤接武東都甲第鳴珂坊壯
麗春深丞相府產近河山北戒中未聞宰輔生南土南人不坐中
書堂開國貽謀豈無取清興一十有九年蕭曹次第稱避賢大
名門近魁三象同事高陽尺五天兩家世掌絲綸地王國生材日
月邊就中更羨成相國先朝文穆歌九罭孫枝盛久厭承明禁林
重入還君側至今八座太夫人綠輿如故髮如銀能言文穆籌
邊策及見兒孫沙路新晚香亭畔素園好無地樓臺文穆老相國
維新壽母堂明廷復起青陵小王母畫下藥珠仙羅列長筵爭頌

禱何以頌之稱闕宮黃髮兒齒歌篇中魯侯燕喜先壽母相公考
室傳遺風又何頌之引三相先第連雲照銀榜抱孫復到鳳凰池
世祿及親隆孝養天下山川東北流相門出相坤維王國祚家
聲共匹休子孫復舊皆公侯驥也門生老白首郎君官貴仍金甌
再窺東閣通行馬筵開百歲呈吳歆太夫人壽三千秋

王吏部太翁太夫人雙壽

王氏新城傳望族珥貂七葉乘華轂聲氣文章著者誰南曹考功
王季木青箱馬糞號淵源南北黨魁爭指目西樵官復揚涇渭貽
上才還資訊鞠著作等身詩在口東南名士爭傳讀考功門第遙
相望淮水湯湯聞吉卜君家兄弟不可當玉樹階前森仲叔桂實
生桂桐生桐五色鳳毛嘗食竹阿翁阿母坐高堂羅列長筵進嵩
祝一經教子勝黃金八子烏生返銜肉共羨當今王考功公侯之
舊其終復

觀朱將軍角鷹獵自楚移鎮

朱將軍精悍之色何超羣輕裘欲照漢江水玉帳更盪黃河雲
苻既淨士馬怒草閒為我伐狐兔弓箭在腰鷹在臂驚翻三窟爭
狂顧將軍箭似餓鴟響角鷹急擊如飛將玉爪生擒東郭君老拳
扼定中山吭並驅從我兔斯首燔之魚之勸我酒無功肉食我顏
厚醫無閭本燕領鄉玉海青是奇毛藪風毛雨血角鷹功饒肉饑
已久發縱指示將軍功割鮮飲至前為壽鷹既上鞬復竦身將軍
但坐大樹下不言功在口我知將軍與鷹俱有意一生無敵此何
有屑屑爭功伍走狗

潞州官舍壁閒見王尙書鐸畫石尙書磨崖書于華山

尙書書破五色石嶽蓮谷口畱真跡尙書畫作嵌空石上黨郵亭
見空碧飛來太華之一峰直插青天天下脊經營意匠驅神鞭
巖巨靈移遠跼畫手專場四十年題藏王申歲畫獨存桑海兩巍然
膚寸雲生礎潤後莓苔雨溜步檐前如今翰墨寰區滿畫壁題詩附畫
傳

題長平驛壁

上黨南來狼孟城地險連山不利兵穴中鼠鬪勇者勝父書能讀
徒空名趙王何愚趙人哭國中壯士盡長平土花血碧拾金鏃狼
牙三脊曾封肉戰場處處今人耕赤壘折鋒換簪竹已降殺盡爲
鬼雄前有銳頭後重瞳杜郵之劍烏江水六十萬人含笑死
邯鄲黃梁夢歌

功名富貴真蕉鹿夕夕爲君晝爲牧百年一夢尾須臾暮死朝生
歌復哭仙人指點世人迷脫屣將相陵丹梯死生夢覺理亦齊我
夢觚稜二十載夢中栩栩朱顏改丹砂前諾今何在棹頭煙霧生
東海遽然夢覺歸去來歸來遙望金銀臺華陽白鶴近蓬萊食棗
如瓜揮玉杯卻憐漢帝非仙才方士封侯采藥迴樓居桂館至今
開祠係明世宗時方士陶仲文建君不見路旁名利客且學長生且行役

七月初八日老屋爲風雨所毀歌
虎坊橋北有老屋鄰樹交加過牆綠柴門向水碧鱗鱗草閣看山

青簇簇十年邱壑卽京華甲第紛紛詎能卜今年石破驚秋霖燕
南幾處餘平陸翻盆簷溜漆城摧富家屋漏貧家哭老屋難支走
老夫妻兒雨立俱匍匐濯棹汙泥拾家具棟折榱崩撓書篋天鼓
砰砰怒逐臣雨師驅我無三宿四方水旱遠難知故挽銀河澆輦
轂羣龍求我鬪涓涓八龍震瓦翻坤軸桑乾淫溢貫天都魚鱗苔
生魚瞑目庶徵恆足警 至尊願破吾廬轉爲福

八月十五夜對月

小時不識萬古月光育禪扶桑日白玉盤疑東海生黃金盆向
西巖沒壯志凌雲夢上天瑤臺月下望羣仙仙人垂足拍我肩桂
樹團圓倚不眠樹下祥鸞自歌舞樹頭紅蕊香嬋娟同詠霓裳蕊
珠裏試吏玉皇香案前陰精薄蝕玉輪缺金背蝦蟇恣饕餮眯目
豈乘天帝醉哺成丁子玄黃血於菟羽翼蒼龍睡朱鳥居停玄武
穴我持玉斧砍其腴飽腸哆吐金樞清虛八萬四千戶重修七
寶臨天衢銀雲纏纏夕月姊金波穆穆歌神巫豈有胸臆煩補袞

匪徒精彩夢昌吳歲星下墜神仙籍夢覺人閒老淪謫五見江城
素月秋迴異他時三五夕風篁滴露散珠璣霜桐流影懸瑤壁河
漢無聲列宿稀置酒停琴旋照席初暉蘿薛白紛紛漸煥朱庭光
奕奕一點團團掛古松半規宛宛銜危石目送微雲斂天末閒身
非復關山客木葉欲下洞庭波歲宴懷人千里隔烏鵲南飛枝可
棲魚龍夜動光相射顧兔長生丹藥成素娥雙映霜毛白一杯長
滿月長圓倒喝望舒返生魄

九日喜晴放舟青墩家人治具舍姪元愷兒子元起與客從游用
高太史季迪昨日風雨今日晴天意令人作重九篇韻

滿城風雨忽朝霽日月依辰愛陽九平川如掌漾輕舟北郭陂陲
怒埽阜秋雨初收步履便秋風欲動袂衣厚青墩名類謝公墩窮
園易主荒頽久陽坡叢桂花滿地桂蠹穴穿丹桂朽崖北龍鱗五
鬣松松下茯苓千歲壽梅根作冶霜禽散櫛栗罇拳黠鼠走敦邱
上負墮而下登頓獨先從我友纖毫百里見江山咫尺青天挹箕

斗芙蓉湖浸橫山麓春申國峙羣峰首陳跡蒼茫問土人下弔英

雄埋廣柳鐵杖飛仙大業初離宮涼殿雕牆後雲旗風馬為鬼雄

父比夫親彼婦口相傳隋將沈法興葬其下沈殺其婿司徒陳果

風落龍山倒接罹船迴蟹舍經罟罾郭索持螯共阿咸鴟夷載酒

謀諸婦短簫橫笛發中流蒯通劇孟夫何有雞犬郊扉況不驚南

征爪士好身手明年此會望太平老健重來垂白叟葛巾籬下酒

痕多呼兒為澣衣裳垢

十六姪舜民新營青墩所居攜酒招錢湘靈吳玉虹同過且約予

避暑因率家人同往時三月四日也憶去年重九客遊此復用

高韻示錢

昨日流杯三月三去年吹帽九月九會于曲水似蘭亭園環水地近

龍山兼虎阜買山又共阿咸來桂林松徑青苔厚丹竈移家雞犬

新茅屋牽蘿歲月久西偏為空去聲所居堂火雲道喝陰衰朽池魚

作鱸尚行廚木瓢引滿稱上壽酒半呼朋危渡橋墩今屬我狂催

走栗亭竹閣審面勢古栗樹三株可閣藉草臨流憩我友遠山蒼翠

皆可名古邱高下一何斗漢宮武庫夾章臺麒麟肢折空邱首沈墓

前注見灌藥畦周綠鳴塘讀書堂插藏鴉柳經年易主等蘧廬百歲

智囊料身後助邊不足半輸家姪以註誤援例小築一枝栖八斗

鶴俸長饑松徧巢墩有古松數十株鶴巢魚糧聊種星在雷新開塘

隱心到此生癡叔鹿門兼得攜三婦追涼歲歲竹林遊一邱曲曲

皆吾有醪錢南阮草堂貲潘舟春月經營秋斷手往來常許白頭

翁過從定共龐眉叟叟從鏗後學長生醉裏逃禪說離垢

泉上雨中置酒送別碧桃海棠三疊九字韻

羲和假道天無二后羿彎弓射其九伏流乳竇響添池紅重春花

飄被阜溼霑神女雲葉濃怒積飛廉風力厚二月已破豔陽過三

月半來陰翳久春入蒼苔上斑駁蒸成朝菌生枯朽海棠睡損一

二時碧桃易老三千壽悵望殘紅聽酒須顛狂遶樹中風走燕掠

香泥欲哺兒鶯銜落蕊爭求友會面前期隔一年執手臨岐浮一

斗存者胡笳南望歸沒者琵琶長北首笑者齟齬情櫻桃唬者別

淚折楊柳落如仙人墜劫中開如壯士居人後消魂夢盡江郎才

歌驪唱出佳人口醜催年少蟻入脣腴勸老翁魚麗留重頂幄中

全半生金剪刀頭貽小婦物情榮落理亦齊世閒得喪我何有愛

嬌宴罷暖妝開二花宮戰爭歌舞好身手雨師暗逗微泉脈掉頭

臥聽鴻濛叟干戈洗盡兵且休眼耳清淨心不垢

桃花雨敗海棠僅存幄中四疊前韻和錢

兜率天歸三十三海外山聞九州九嬌魂漠漠雲茫茫五勝埋香

空土阜露井殷紅掃不開羅韞無聲地衣厚海棠睡足太憨生桃

花輕薄難長久紫絲步障錦透迤金谷惜無錢貫朽磧面空謀餉

莫愁折腰祇自憐孫壽濁泥水葬吳江深花鈿委地下殿走詩成

有感老秋娘閨中何計畱良友布衾多年張四角屠蘇一室大如

斗暮雨朝雲枉斷腸施朱傅粉空搔首金屋長門蠹桂華穹廬羌

笛吹楊柳回望東天也有情休貪結子甘無後如子嫁妝畱半面

羽客蜜房思噤口皇天淫溢歲兵荒
羊羴首星在雷錫花幃幄
護花鈴大婦同行隨少婦用酒為年付
索郎迷花作賦稱烏有高
燒銀燭照紅樓斜插軍持勞玉手花約
明年閱主人人過今年成
老叟落花流水天地寬微泉明鑑無塵垢

己未九日石湖獨遊五疊九字韻

太湖三萬六千頃吞雲夢者常八九支
流灣環鍾水澤聯峰突怒

餘高阜拄杖登危著屐穿衿衣臨水裝
絲厚吳俗出游爭此日老

翁不到何其久黃花舊摘人頻異繡被
同舟骨已朽少年屢攜楊枝尋酒徒遊

此今皆為異物葉殷苔碧感蕭晨白髮蒼
顏過中壽獨遊自有山水音官

罷免隨牛馬走魚龍寂寞漫悲秋麋鹿
羣游類求友身閒一日如

兩日酒病三杯當八斗貝塔流丹對宛
虹吳江垂虹橋青山錯翠濡龍

首歸來每愛鱸煮蓴觀化何妨肘生柳
紫薇臺榭越溪旁石湖居士范至

能園臨越來溪吾生耕鑿兵荒後挈水
灌畦飯其腹持節發粟尹在口饑

發振吳稻稍熟逢年稍喪蟹遺稻育物還
聞魚麗留多累鴟夷泛五湖網

得西施充小婦吳門淥水照人空烏几
青山隨地有鄰舟遊女新
上頭歌扇留賓大垂手斷送周妻壽乃
公節量何肉逢三叟吳兒
不顧木石心中不淨還不垢

酒人行上巳日招諸公飲微泉上海棠花下用杜麗人行句次韻

三月三日天氣新水邊花下游酒人海
裳臨水醉太真溫泉出浴

朱粉勻鸚鵡不醮拋青春紅肢半折臥
麒麟飲者實如愚世人鹵

莽徒膏唇飲者自忘賤吾道浮沈早乞
身頻聞點兵辭六親南征

楚粵西戍秦憶昨長星埽翼軫空畱諫
草櫻龍鱗昔年昔星出九

關虎豹旋賜玦五湖蝦菜還垂綸歲星
吳地無風塵海物惟錯山

效珍歸來流泉漢湧神何妨八十老棘
津送客畱髭酒數巡遮莫

二參吐車茵春風冷冷起青蘋狂花紛
紛點角巾陶然且學劉伯

倫醉鄉可託消貪嗔

官窠鸚鵡螺歌錢中丞丞泰谷年兄贈

山疊瓦尊虞氏陶一升飲器梓人爵安
得搏殖象此器我猶小戶

未能醕嵇康酒鎗孰見遺陶侃蠶瓢不勝酌負壳朝遊鸚鵡名烏
頭決吻腹彭亨丹紫文灣的的翠衣綠質映晶晶涓滴覆杯罰
不盡蜿蜒注玉腸自傾削氏範金嫌太重旆人疑土繖彌精宋代
官窠柴汝比宣宗做象猶苦髭髻墜薛暴曷足珍犧象烏雞各相
似尾類蝸房屈以銳口類鴟夷弁復哆左旋圓頂右旋騰深如樸
楠鯨如兕更命良工爲刻舟不須反坫常浮蠃少年呷吸學長鯨
狂藥盆牢逐羣豕老來小飲暖松黃啐之至口齊至齒鷓鴣斟滿
曲蜿蜿餘瀝細寫尙溫磨不用長生銜木瘦不用山杯鎖竹根虎
珀光寒浮瑪瑙玻璃蓋凍帶崑崙荷葉碧筒營象鼻胡盧墮頸棄
瓠尊中丞南海酌泉歸董生步爵屨之帷令兄錢篋寄贈我謂湘靈
主酬賓酢兩忘機中丞索詩不索酒不飲公榮無是非
五老會雪中花下錢湘靈七十史庸菴六十八入毛補菴六十四黃艾菴六十一董易農五十九
萬物爲銅忽鑄人摩娑金狄閱先秦首居五福非懷印久領千秋
是大椿寒花閱歲開兼落凍雪今年冬復春冬春非我家三島錢

後雉羹斟一老漢庭射策桂攀枝絳帳傳經玄起草史丹乞骸輕
畫戟鬱林歸棹裝廉石上下千年號史通汗青一老窮頭白其餘
二老皆數奇黃公歌曲毛公詩蟲魚注就龜龍學不從衣冠逃紫
芝就中一老呼董叟一墜龍髯落雞狗五人三百二十歲惟我未
能垂不朽白酒初熟黃雞肥黃梅初綻白雪飛蓬萊其見淺水淺
天地不愛微泉微香山居士畫圖九洛社耆英踐台斗流水功名
富貴雲泥塗甲子長老醜一老詩成四老和飯者遺矢酒者酒踰
月良會生無涯雪後陽春次第花

雪用前韻

蕊珠宮墜蕊珠人弄玉飛瓊許共秦壓折園中兩竿竹凍死楚南
千歲椿粟起青要肌耐冷觴謠虎齒酒長春宮闕爲雲望三島縞
素如茶哭三老驄馬朝天借玉珂素靈祝藥春瑤草祝音堅冰戰
士鬚如戟空山道人煮白石鶴立幾埋鶴脰長烏黔亂點烏頭白
失道將軍歎數奇絮飛少婦尙吟詩所喜長安盈尺瑞不數甘泉

連葉芝老夫授簡當枚叟槃瓠數州驚國狗王師下晝暗雕旗沒
錦鞵淮蔡夜平如拉朽手團上林師子肥日照昆山燭龍飛冰池
一勺冒清淺太白一拳橫翠微國計通三必餘九家食耕田當升
斗侏儒飽死何彭亨夫農苦饑彌老醜多收赤米望豐年谷有粟
紅家有酒我饑自此豈無涯爲謝天公六出花

蠟梅爲風雨所折歎用少陵樹歎韻

微泉閣向百花前一本黃梅不計年玉手雕闌能寒摘鬢邊朵朵
壓驚蟬閣成幾度過長至黃梅律應黃鍾氣道服妝來冰雪容夕
陽額點寒山意凝香冬日令人愛一片黃旗承紫蓋根接源泉盤
地靈核傾拔木驚天籟喜問條枚似園棘草木無言對以臆名花
僊種發孫枝蠟言梳貌無顏色

白海棠同諸公和東坡韻

爲園種竹栽花木園成自樂因名獨栽花花紅對我笑種竹竹綠
醫人俗萬綠千紅白一株石家無種誇金谷生憎穠李望如荼苦

憶落梅狂滿屋姑射畱仙雪作膚玉環呼婢肥多肉微香冉冉勝
紫縣冷色娟娟憐素足婷婷裊裊正十三十三守宮一點明貞淑
折來甘后帳除釵嫁與何郎牀坦腹招客賞花文字飲紅裙何用
喧絲竹客醉醄顏花獨醒不肯向人成美目放顛空走碧雞坊卻
合畱題在巴蜀宜稱雪衣應有燕非關日浴還如鶴白花白髮照
青春花落花開亂心曲年年短髮但如花心中無事相撐觸

杜鵑行同諸公作

望帝春心化爲鳥毛衣慘黑髮烏鴉嬾嬌如花不復憶五更嘯血
空啞啞但聞藏血化爲碧盃知口血化爲花烏黑長嘯悲夜月花
紅含笑噴朝霞鳥嘯花笑春將暮共惜春歸已有涯烏沫轉生羊
奚草化機出入如日車死生變幻本物理賞心且莫長咨嗟九江
一欄十八樹三春三月憶三巴琴軫白家雕赤玉藥丸紫極還丹
砂數十千錢買一本移從陽羨山僧家四出深紅一出淺血痕淺
處點交加花鬚六七莖長寸鬚杪的的如烏麻就中一心斲其末

華不秀出增些些此心直貫四時久花落不落闕萌芽舊心代謝
後來歲新花蓓蕾苞三丫日南別種亂真贗孫孃齒憎俗訝侍
兒偷折紫躑躅翠釵戴並鶴頭茶老翁看花未如霧花叢迴首憐
天邪彤墀映空奪素壁總幕倒影成絳紗赤帝欲來同爛熳紅兒
何處比修姱朱旗閃天殷北斗丹甲望火軍夫差百鳥至尊爲哺
子百花無色稱天葩作詩須看繼鮑杜燒眼怡顏手自又何用道
人殷七十七一年一度送春華

除夕行

今夕何夕歲云除舐筆伸紙驅墨豬繡楯俗換宜春帖禪榜爭購
凌雲書老媪價增六角篋四體錢酬酒家壁也憑不律潤空囊沽
得屠蘇醉終夕底須香切百鍊剛傳道銀鉤供 御牀康熙玉燭
萬幾暇手追心慕撫鍾王玉堂學士陳與張家雞口薦師其昌
青袍白簡休官久閉戶著書消渴長至尊詔索臣筆體素扇塗鴉
羞見羊龍蟠鳳翥不自聖春蚓秋蚯收數行三寸毛錐昔觀國一

名先甲空危得從茲投筆嬾學書字勢誰爲假羽翼順治末年官

蘭臺白筆斜簪希汲直 乾清宮前朝諫草涼鷹臺畔宵傳敕貂

璫銀椀發茶香虎士玉鞭歸月黑天廚鳳餅充虛枵寶炬金蓮照

迷惑庚子十二月疏彈學臣召至南海子內臣宜旨賜誰知

狀者陳學士扈從甘泉侍 君側止輦爭看獬豸冠屬車塵裏曾

遙識陳戊申年見贈詩云南苑逢君日秋來十載強曉風天語近

扈從得畫刻奏書長自注云鼎成龍去落人閒架筆珊瑚靜掩關手鈔經曲成八帙箋

注蟲魚窺一斑抱孫號寒饑女哭笥中無帛倉無穀官廉一字賈

堪貧百錢糶米兼食肉拙如掘筆失臨池來日苦短後羨之點鼠

班馬異同字塗抹李杜齊名詩白髮兩朝叨寵眷青山五畝安貧

賤

先帝呼來御賜茶

今皇宣索臣書扇日月遊時示子孫風雲通處張親串晨起焚書

臨 御書氣懾恐難揮白練今上御書撫石米芾一帖云元

前令人
氣懾

求盜放燈歌

綠林豪客伏江城探丸掠舟殺官兵衣裾赭污諸偷縛其黨一斬
 關破械逋逃生三刀太守密蹤跡交臂厯指嬰笞榜羣盜盡獲官
 張燈同樂求盜樂飲各滿堂通都燈夕羣相慶叶火城不夜東方白燭
 龍銜耀爭月光鼇山百金人馬走海鱗數丈爪鬣張假人面具剡
 紙翦寓馬綠尾騎湘篁公輸木鳶試技巧偃師倡者怒君王聲聲
 爆竹飛星紫樹樹銀花膩蠟黃人馬諸色男女肩摩暗相錯金吾
 不禁遊人狂當鑪阿母數錢女不續其麻鬪晚妝脫帽捋鬚交蛺
 蝶殘雲敗雨野鴛鴦小憐玉體橫陳夜飛燕陰溝窮袴襠十手三
 摩破爪妾兩雌回據如花娘月辰拾遺花鈿委燈前爭嗅繡鞋香
遊女為強障登羅什先生子寶勝玄機難得郎時方禁婦人香愿
暴所調治遊誨淫欲誨盜朱幡紫馬須賢良紛紛鼠牙并雀角叶亟
私死亟買牛將買犢吁嗟乎一出南塘半是君指麾不遇雲閒陸

黃馬歌

乘黃繁鬣籥雲煙分駿兩鬣搖風前火星生王尙周室土德服阜
 乘軒轅銅聲敲骨立如鑄金鞍絡春坐如獲汗血溝門微沐赭蘭
 筋井字生中玄聖代龍孫產冀北金臺市上羣空燕螭頭立仗二
 十二同考二人我馬如狗足未先友人購贈何須換買駿豈惜三十
 千奚兒能調不敢騎詭銜闔扼不受鞭雙瞳夾鏡炯識主吟鞭顧
 盼歸我妍黃馬走出入蘭臺巡北斗曾陪時龍非敢後黃馬呼上
 書召見趨天衢瞭鷹南苑放韓盧踈足北風瞻帳殿詔令下馬賜
 醜翻金吾夜送城唬烏黃馬嘶龍髯已上羣臣墮肉馬帶肉安從
 之黃馬瘦生藟夜嚼香箕臭願駕馬少游鄉車不養金日磾家廢
 黃馬肥病賴惠養還受鞮太行銜雪上如飛黃馬斥避驄曾把妖
 星摘馬首悲鳴出交戟吁嗟乎君馬天閑天下量臣馬轡柔克馬
 剛鼓車若用駕千里二馬並驅臣馬良黃馬黃秃尾馬病無精光
 黑頭人幸未投荒代馬齒長歸吳閭閭門足練矢承筐牛槽志在

後身閣詩集三
猶伏櫪驢背詩成望帝鄉我有敝帷易火光星精上歸天駟房噴
玉長鳴在帝旁口不能言對以臆臆云臣老讀書堂其人疏散聞
今皇

微泉閣詩集卷三

微泉閣詩集卷四

五言律詩一

長門怨

漢宮三十六秋漏一人長金屋當時貯椒塗別院香新歌來甲帳
妙舞自平陽妾意桃笙卷涼風在御牀

其二

地道本難奠天心不易孚白華終邁邁黃裏自區區日影深宮短
雷音過輦殊一從梳洗廢懶起出金鋪

其三

妾軀何足惜天步或因之萬歲太平日六宮行樂時慣禁秋殿冷
聞道早朝遲脫珥殊閒事君王知未知

其四

蕙草折還長梨花落又春履綦君不到絕跡玉階塵有賦憑才子
無儀配聖人東流恩不轉猶望白頭新

送申鳧盟歸廣平

傳家嗟令子死國惜忠臣封墓應殊禮當關孰秉鈞擔書兩世僕
匹馬一歸人去去燕南道垂綸漳水濱

其二

相逢燕趙士相對一悲歌詩以窮愁好交于傾蓋多五言何遜服
何同年每稱其詩二妙董生過余見申借何周二同年共惜論文友其如離別何

薄暮

落日兼天遠黃雲向晚低護巢歸鳥急出寺暮鐘遲書到山妻謫
春闌游子悲途窮今夕恨徒倚復何之

廣陵別蕭同年

春風吹別袖解手意茫然後夜勞相憶前期何處邊分看揚子月
獨上潤州船知爾相思處江東雲暮天

病中遣心

清漳久滯跡拙疾與年侵竹徑常行藥花叢一遣心夕陽窮巷淺

晴雪閉門深貧病常相迫誰憐蟲鳥音

送仁和岳令

為政難兄弟守令兄先承家賢子孫武穆之邑人棠勿剪遺廟檜猶
存花柳餘公事湖山繞郭門東南州第一利器見盤根

送姪孫大翮宰天台

初任鄞令

八年筮仕久一命復官遲阿叔饑方甚諸孫貧似之重飛懷縣舄
滿篋越谿詩清白吾宗舊應為良有司

其二

風浪三江隔台州信早傳神仙多藥甲吏隱有公田老母須微祿
全家去一船宦游差勝我京國滯年年

高郵湖

共問秦郵路珠湖飛騰行闊兼吞異縣浸恐齧孤城舊岸漁梁鈞
新田宿槩耕扁舟逐清景處處采蓮聲

晚晴

淮南客舍

雨足斜初歇雲膚薄未收飲虹淮北渚渴日海西頭綠重楊絲裊
紅輕蓮氣浮客亭相對處涼冷入新秋

庚寅守歲

家家應守歲列炬自喧闐馬齒加三十雞鳴減百年無兒嬌白雪
有母及黃泉念此憂端集翻來柏酒邊

早春園居

昨夜蒼龍轉平蕪春草長梅花先雜樹百鳥弄青陽遲日烘簾柙
晴絲裊筆牀茂陵詞客臥應未羨含香

其二

自愛吾廬好窮園近市開綠環春沼水青出古牆苔琴自橫珠柱
書能帙玉杯摘殘紅菜甲時有故人來

登崑山

孤峰平地起塔勢欲侵星錦石連雲鑿名園一壑扃江通滄海碧
山出半城青若許誅茆住開簾得翠屏

秋夕

獨夜悲爲客經年愁裏過秋風燕市早涼月薊門多燭短拋書臥
更長敬枕歌蕭蕭霜外雁南向拂金河

放船早行望惠山

城西山擁縣八九曉峰奇宿霧收亭午朝光射半規起當清盥後
興寄出雲時恬日當佳處無嫌柔櫓遲

春園卽事

春風不相待觀化澹忘情聚雪狂花落如茵芳草生鳥當紅處坐
魚在綠中行門外東西路勞人自近名

城北夕望

孤雲同不繫相對晚蒼蒼澤廣分春水林高帶夕陽歸人將倦鳥
牧豎各亡羊北郭殊堪隱差無城市忙

落花

燕翦穿將墜珠絲罥欲留魂歸青冢塞命盡綠珠樓結子論身後

餘香續樹頭思君無髮髯空復卷簾鉤
魯同年攜酒見過

應門童子喜在駕使君灘不惜貧家到能令窮巷寬馬羈邀玉趾
蝸舍照金盤爭看高軒過何妨花徑殘

吳山雨望

積雨白紛紛峰頭望不分江湖蒙宿霧吳越暗蒸雲遠近藏高下

空濛惑見聞半城青未吐亭午只氤氳

德州道中

擊柝五更盡村雞三度鳴侵星驅我起落月去人明物役先羣動

君言自有程隨波終水涉幾日始山行

釣突泉

潤下乃騰上直泉天下無沸羹陰火煮駭浪枯棹輸太古自歎薄

前朝一嘆枯仙人應閱此海水立蓬壺

青州叢林寺木成大師房

支遁酬玄度湯休擬碧雲師才餘綺語吾意愜論文孝翼寧無父
犀顛亦有君孝翼犀顛師集中語近來詩更好吟到夜初分

觀海

納納浮開闢滄溟東望迷濤聲搖地軸水色漲天倪窟宅蛟龍古
升恆日月低目窮惟一氣浪說九州西

山橋晚坐

渡頭喧晚涉落日帶歸僧我愛暮雲好野橋閒更登數聲山寺磬
幾點酒樓登擎杖猶漁父寒魚夜可罾

過贛榆縣故太史良合姪舊莊

塵疑虛閣裏曾此竹林眠紅日生滄海蒼山入楚天松高移小小
花發自年年太史藏書處登臨一惘然

初入淮南

鄉路經淮甸鄉心已欲蘇歸舟初水涉沒馬盡塵途風壤遙分楚
人煙漸入吳舊時招隱處猶有桂叢無

湖中雜詩

湖闊杳冥煙波渺洞庭吳天連水白海日障峰青鷗鷺沒常喜
魚龍氣或腥能輕高浪險來往各揚舲

其二

太澤吞吳會諸山見數州沙田芋葉茂岸渚葦花秋風俗漁樵古
陸沈邱壑幽一竿將百畝家在五湖頭

其三

不忘舊山約吟身上翠屏盪胸千頃碧撲面數峰青鳥路林端見
漁歌煙際聽南湖春已動蘋藻有微馨

孫風山索詩

病渴臥司馬腰章乞買臣回瞻玉堂上高臥五湖濱知足方年少
佯狂謝世人艱難吾道在莫復問平津

村舍巢燕

野人相主客命子自夫妻不向漢宮住偏嫌華屋低身輕過麥浪

口苦得芹泥弗以故巢陋年年傍舍棲

濟南

山水濟南好從來聞大風城池山色裏雞犬水聲中詞女蛾眉秀
文人牛耳雄古今相及少述作竟誰同

其二

泉根來玉殿山影入明湖廢苑惟藏兔荒亭自浴鳧冬春兼荇藻
城郭足菰蒲惆悵尋陳跡時清半有無泉出廢藩故宮湖中天
心水面亭元虞集作記

景州城南董子下帷處

發憤六經學吾家老仲舒偏遭東閣忌自著竹林書齊俗防懷詐
公孫弘主父
偃皆齊人茂陵終徙居儒風古道側日暮一停車

雄縣道中

夾隄楊柳色隔浦芰荷香不謂塵沙地而兼雲水鄉黃魚愁網罟
白鳥喜菰蔣見此江湖興扁舟詎可忘

其二

疑入江南路溪光媚石根環州葭作岸遠樹水浮村漁市腥懸網
鷺羣碧漲門操舟輕箇箇郢客好同論

其三

趙北燕南路雄關勝百牢市區齊翼瓦甲第盛官曹水有龜魚美
土爰牟麥高壯哉行是縣水土衍神皋
船過南旺湖雨後晚晴夜泊見月

山前迎棹路湖外拂隄船漁架泥塗屋農依宿槩田菰蒲隨野色
楊柳辨村煙倦客斯陶冶勞舟得賞延

其二

魯郡行欲盡安知萬頃波風塵離北少山水近南多白合低田失
青浮異縣過同舟曾繡被逝者竟如何

甲午年七月
同舟南歸

其三

廣澤初生月金波浴浪紅靜觀宜滅燭不寐久推篷水去空明外
山來杳靄中滄江思後夜畱照待衰公

八月十五夜庭中桂樹下望月

叢桂中庭得秋雲向夕歸花陰月影午葉重露光肥爛熳呼兒睡
輕寒檢婦衣一枝棲亦穩烏鵲自南飛

其二

千人絲與竹片石月當山昔我同心友相攜古寺還

憶亡清暉浮

素手白露溼雲鬢自此七回滿斯游不可攀

盧溝橋

驅石橋成後車書萬里來水如天上落山隔日邊回馬識京華路
車愁沙塞摧盃酬題柱志祇負釣魚臺

其二

疑是鬼工鑿輪蹄縮四封石欄蹲百獸華表見青龍秋雨桑乾水
夕陽千萬峰停車憑眺處慙爾破塵容

張華宅

秋草張華宅蒼茫問水濱讀書空滿乘掘劍不無神王室傾多難

台星坼大臣高才重明哲閱世貴謀身

八月初二日宿涿鹿公館見五月過此題壁閒詩

涿鹿河邊路今年兩渡時吏驚曾宿客蛛網舊題詩
燈影壁閒暗

蟲聲牀下移晨雞催我起西望又何之

清苑縣雨強憩此縣

客舍秋風雨 王程行路難道邊車馬絕驛外送迎闌夜坐簷花

落朝看木葉寒愁霖憑醉遣難覓酒杯寬

其二

宿留_{去聲}客情拙加餐主興慵途窮一飯外宦冷幾程中稍喜牧能

出相輕吏不恭新晴鐘鼓報前路問臨邛

汾陽縣西道中

鳥道通秦晉崎嶇盡日行一旬無壯縣百里有常程土室層層鑿

山田處處耕昔聞驚異俗今日賦西征

湯陰岳王祠

遺廟將軍里鄉人走歲時招魂空北伐埋骨向南枝三十英雄淚
燕雲大將旂黃龍回首處血食此昭垂

其二

舉國誰公論全家不顧身精忠曾悟主直道竟斯民瓦石投遺臭

門外鑄槍相夫婦及高其像人競以瓦石折之丹青貌日新經行南北客敬弔一酸辛

吳山閣中瞻眺

半規峰負郭都會俯禪關檻外江朝海窗中湖浸山一方吳介越

百戰觸爭蠻獨有秋風樹年年衣錦斑錢鏐以錦覆山林號其大樹為衣錦將軍

送李同年鏡月歸高郵

李生殊命達憔悴去京華才大文章伯經傳丞相家甘人多翹翹

吾道則龍蛇秋到淮南日歸來就桂花

其二

數奇當聖代終瘡豈名賢滿篋燕游草生涯湖上田月明歌吹路
夜雨孝廉船應念論文友相思薊北天

宿常隆寺同李鏡月得顛字

殘僧經百戰古寺自神宗道行棲馴鶴禪心制毒龍慧光通法鼓
深省發晨鐘同向招提宿他年憶戴顛

成翰林高齋

大隱朝參懶閒居卜築幽著書春草滿拄笏白雲浮聽鳥先移樹
看山更上樓自能長守貴何必向滄州

送邵無盡歸虞山終養

畫錦羨真歸高堂望綵衣山田啜菽飽湖水饌魚肥去國白雲近
還家紅葉飛何如霄漢上日昃下彤闈

其二

邵精新曆

南斗嗟生月餘星本聿斯古人皆論命君子乃能知謂我休宜早
自云歸已遲升沈各有定敢忘故山期

小閣夕望

高窗暝色收退食片時休落日憐山翠殘霞愛水樓宮雲愁欲暗

苑樹落還秋望望重搔首憑欄忍淚流

招葉採花華榜眼宋秀才登樓就菊小飲葉宋賦詩依韻奉和

市朝忘遠近山水得登臨白露花已晚宮雲愁至今品茶吾土味
斗酒故鄉心吳會銷兵氣苔槍臥綠沈

八月十五夜小樓玩月

老屋閒臨水秋宵得月多方塘開玉鏡倚檻照金波滅燭還危坐
當杯且放歌故園叢桂發清影自婆娑

十六夜月

遲生東海月仍到水西樓夜向人閒好雲從天際收不離浮客影
漸照老人頭圓缺成佳節明年何處秋

送陳駕部備兵瀾滄

家世六奇計父中丞公功名萬里天昆明開尺五擅吏頗安邊寶
劍蘭江洗金沙麗水煎清貧知不厭行矣慎風煙

送張操江

令兄巡撫江西

島容人五百潮射弩三千開府當天險登壇况妙年弟兄聯節鉞
江海靜樓船軍令中丞肅無勞鐵鎖牽京口向以鐵索橫鎮江面為浮橋
寄太倉小兒醫沈翁

俗入咸陽變方書授此翁君臣五色內天地一囊中有子先生活
無憂門戶空何為呼少女應號太倉公

送族姪聞石及第南歸

花發正春風看花馬首東一名先甲外三策五行中國失魏科重

家繩祖武同故鄉歸路近屬我灌園童廷試對策有五德互勝語不得第一

俞侍御太翁太夫人雙壽侍御 予告歸諸暨終養

去國繡衣臣還家白髮親封邱遲就養侍御向作吏久風塵月照

浣紗石泉流五洩春羨君歸臥處念我寄書頻

崑山朱進士太夫人徐氏壽詩

聞昔朱宗伯華原配碩人家風多壽母齊偶締良姻子貴衣文雉

江寒饌素鱗懷清臺可築勿患服官貧朱二峰崑山人官至宗伯夫人鄭氏華原王之後壽

七十餘歸太僕有光為之敘

送張考功歸楚終養

江橋正香浮江魚不外求倚門思二老辭祿去孤舟兒齒甘遺肉

齊肩笑白頭歸田攀郢樹莫問古藤秋

送董中丞撫江西

熊軾九江濱中丞問俗慙吏民惟靜鎮節鉞豈觀軍清嘯庾樓月

停杯匡嶺雲友于皆許國挺拔獨推君

程周量太翁至自廣東初舉壽觴

爾祖程夫子諸孫避靖康五年畱道脈百粵變書香秦漢觀東井

君臣寄藥囊祿微還逐子休望嶺雲長太翁為程明道十六世孫靖康未明道孫昂遷嶺南

翁尤精星緯岐黃之學

其二

南海程周量文章冠九州一枝八桂嶺萬里百花頭沙石韓碑在

淋漓元氣淨得官盍擇祿要為老親謀周量壬辰會試第一註誤除名因官中書

蔣吉士太翁壽時吉士移疾歸里

吳會浮雲遠思親見老萊白魚湖網得朱橘貢船來渴賜金莖露

歸遺玉液杯茂陵書好著高臥補南咳

曹太翁太夫人雙壽曹豐閩人善射曾立功遼左

矍鑠已成翁猶存善飯風磨刀向玄菟撚箭落霜鴻爵既從兒貴

年還與婦同弄孫含棗栗時話少年中

蕭侍御太翁壽

逐子今迎養從親昔宦游楚山通蜀道朔雪照邢州作述觀為政

文章獲野謀蘭臺有封事忠孝大君求

王侍御太夫人六十壽

令子監朱雀諸孫侍衮衣抱孫提子日白堊掩雙扉杯酒知房杜

肩輿拜后妃門閭安棹楔旌表日光輝

壬寅元旦奉命巡倉例不隨朝

萬國朝正使康熙始改元踰年憑玉几亞相扣天門憲臣魏裔介疏請免練餉

五百萬年以後加賦悉報罷元日元年重春風春殿暄小臣兼吏隱慵

起俯晴軒

其二

強仕方前哲吾衰已此時二毛四十叟三尺五齡兒掌庾愁無米

身長只苦飢不如攜子去生計向東菑

其三

朝參違懶性會計當閒官自課殘書讀加年新曆看東風吹碣石

白日動桑乾寂寞京華住優游亦考槃

四十初度

冉冉行將老恩恩四十過來年官定罷去日算應多生事慚妻子

全身向薜蘿不堪尤晚起歸臥任蹉跎

城下楊花

白日游絲繞迴塘撲水平心從何處擲身較落花輕風送過燕市

春歸亂鳳城年年京國客是物覺愁生

其二
東西吹宛轉簾幙入重重
銜去逢輕燕黏來屬仰蜂
春風隨薄命江水憶萍蹤
莫向深閨裏羅衣正懶縫

其三
萬點雪初霏千條綠正肥
悠揚本無力濩落竟安歸
惹水從魚食縈塵傍馬飛
江南春去處糝徑拂春衣

賈中丞巡撫陝西前撫河南復起

舊臣分陝去熊軾向秦京
猶愛中原樹還如渭水清
雲臺圖姓氏宣室問蒼生
前後頻持節君恩重此行

西山僧乞竹

燕市難移竹僧家養數叢
竿竿湘水上箇箇渭川中
移帶西山雨栽添北牖風
青錢僧不受為乞子猶窮

送王中丞出撫鄖陽

楚南鄖子國百戰定山城
問俗中丞去君恩持節行
荆襄遙控

制江漢近澄清鮑氏歌驄馬還留京兆名

崑山李大行玄仗以湘簾斬篔見貽感賦

篠簜千絲翠琉璃八尺黃桃笙展斬水驚燕押瀟湘誰著香山閣
俱空潘岳牀感君遺我意相對兩茫茫

巡倉署中土邱聚石百餘年矣環邱樹抱冠邱為亭亭圯而予復

廣一室深倍之東戶西牖南北其檻製則舫覆則瓦因題五首

一拳誰聚石一簣孰為山古礎亭因舊垂檐樹更刪置身平木末
注目俯巖閒倉氏官多暇公餘自閉關

其二

四柏將千尺三槐已百年樹深疑近水屋淺類牽船
新綠安窗得斜陽密葉穿江湖重引興似狎白鷗眠

其三

老屋支危石經旬數放衙埽除三畝曠曲折一邱斜鑱印聞曉鳥
移牀對晚霞都城祗席近車馬足塵沙

其四

京國留邱壑乾坤寄客亭無多營屋宇隨意置窗櫺苔破層階紫
林交翼瓦青風波無所苦坐穩自雲汀

其五

過雨春花盡來風夏木清簿書無撻挾鳥雀有生成未覺滄州遠
還兼吏隱名年豐憂國暇小築寄閒情

潞河里二泗佑民觀

明嘉靖間相嵩表建祀天妃漕艘達都設醮碑載其事

先皇帝駐蹕河上幸之賜

金重修余董漕之役舟過憩焉感題三首

古廟前朝樹仙壇舊賜碑綠章迎翠佩紅粟答青詞嵩以青詞宮

觀窮人力江山自昔時樓居遲王母風雨茂陵悲

其二

尙想翠華東丹青玉殿中賜金新棟宇問道向崆峒望幸名山絕
攀號道士同幾回過御苑黃葉鎖離宮

其三

雲帆杭稻轉神貺未營齋儀楫逢青鳥塵途得古槐丹梯盍有路
白髮竟無涯老病孤臣在終慚戀玉階
早行寄家人

旭日初披霧征夫已犯霜江山分氣象村市合農商藤盡疲騾策
書增倦客囊遙知慵未起夢破得空牀

送錢湘靈下第還吳中

勞勞獨歸客去去五湖濱辛苦憐僮僕飛騰奈故人一枝誰折桂
千里自思尊爲拭孤寒淚嗟非獻納臣

其二

重攜白藤笈回首黃金臺落日秋風裏古人安在哉君情傷棄置
吾意獨憐才舊業菰蘆外長歌歸去來

送同年錢侍御歸常熟觀省太翁遷葬太夫人并夫人

遇主方同日思親爾獨歸難攀黃帝鼎卻羨老萊衣仙籍通烏

目家山近翠微遙憐京洛客日暮下

彤闈

其二

數歲葡萄酒千金狐白裘此鄉遺土物親老慰離憂侍御使不及
母妻祿寧為兒女謀作碑錢十萬泉壤有光不侍御以太夫人誌屬

其三

拂水鶯花月琴川楓葉秋山林千樹錦絲竹百金游送子將歸棹
懷人獨倚樓江湖終有信浩蕩共沙鷗

樓雪

朔天多雨雪到地易為盈雲壓寒城色風迴窗紙聲蟻浮三爵暖
狐集一裘輕念彼無衣客翻令百感生

其二

遠望迴能通凝暉曠不窮白光延野外寒色照樓中漠漠迷瑤殿
紛紛辨紫宮憑闌何限意翹首自書空

其三

淦淦同雲暮泚泚失遠峰輕霽不改竹略映後凋松倚檻立何久
朝眠起更慵長安相索者騎馬至鳴鐘
送蘇州太守吳同年之官

君子延陵裔迴塘廟貌高清香森畫戟紫馬度紅橋為政風猶古
承家澤不祧新絲抽八繭相假稅偏饒時以稅入為殿最

康熙二年元旦蚤朝

又見朝正使鸞輿警翠旄風輕春殿轉日繞
聖顏高兩海天亡寇鄭李二寇相繼就斃諸番旅貢焚年年調玉燭宵旰不
辭勞

慈和皇太后挽章

戚里勳庸舊傳經黃老書正隆天下養好侍
兩宮居影不孤銀雁心應比玉魚
先皇憑几命無復自欷歔

其二

猶聽雷霆遠宮車出不還雖因當壁貴難向墜髯攀杳杳蒼龍夢
蕭蕭竹淚斑何須更西望同耐孝陵山

東便門柳色

鳳城新柳色隔歲拂青驄避馬人猶識驚魚影欲空江村連雨重

水國帶煙籠何日扁舟去滄浪一釣翁

送尹吏部郎子告歸養太翁

廣東人

朝辭同舍郎七月到炎方清渭諸公事文魚遊子將歸程陽雁外

家信嶺雲長南極宵來望星輝應壽昌

劉學士太夫人壽

仙花還問種瓊樹繡羅裙揚州人子貴鳴雙鳳長子學士夫星在五

雲少保公貞松霜裏茂少保以守郡性奄夫人慈竹老來分孫三

天祿多彤管君家少闕文

八月十五飲馬年兄齋中同吳賡菴王冰壺二同年

樹色深庭宇良朋得勝游當歌人影亂對酒月光浮未卜明年會

宜矜此夜秋更闌衣露下綺席尙淹留

其二

戍鼓動虛堂留賓更盡觴樹高當午月雁急蚤秋霜法曲龜年譜

時有中詩才供奉狂新松濡白露寂寞茂陵荒

十月朔日同王冰壺張繡紫小集吳賡菴齋中看菊仍用八月十

十五夜韻

兩月數能會茲游繼昔游醉鄉爭勝負仕路自沈浮錦樹分鄰舍

黃花惜暮秋來朝各有事主客且相留

其二

良會京華少花前共舉觴同年頭漸雪齋日菜微霜深酌來燕市

高吟聽楚狂故山如畫裏三徑草應荒

鄰樹新綠

老樹中庭少鄰家蔭四垂枝高如有意牆短更無私鳥語來深處

人衣映晚時客居休種竹借景自堪怡

其二

夏木舍旁合吾廬駭綠來映空穿白日流影襯青苔樓迴通書幌
簾疏入酒杯鄰翁知我意接葉許窗開

早起望鄰樹復作一首

盡日看彌好朝光映更妍煙籠紛漠漠露泣藹芊芊濃淡肥春雨
青蔥媚曉天微吟清盥後詩思隔籬邊

數日晨出暮歸馬上被風臥病

侵晨騎馬出困頓暮歸眠顛倒衣裳後蒼黃盤案前那禁諸病入
堪此蚤衰年何日還山去徜徉臥紫煙

其二

京華相索地多病走跋跋暑雨難張蓋寒風亦中人馬韉塵事做
烏几道情親始信逃堯者全生在隱淪

韓吏部太翁八十壽

吾鄉韓吏部江上訪庭闈教子今朱紱辭官且綵衣時韓同年弟左官歸

兄百六十

翁之兄八

杖履捷如飛清淺蓬萊水三山舊釣磯鎮江人

蟋蟀

入秋纔幾日是物已秋聲苦口月中急微吟雨後清客愁方久宦
婦歎又徵兵欲向候蟲語何須牀下鳴

秋日連雨

天地占常候今年殊不然火雲燒楚越秋雨漏幽燕寒重侵駝褐
泥深沒馬韉遙憐故園菊采采袂衣天

登明遠樓望西山餘雪

曉霽千巖雪春城一夜寒層樓縱目遠坐久覺衣單陰壑猶含凍
陽崖已半殘山中高臥者應自有袁安

其二

山勢皇居壯山容雪後分數峰青向日半嶺白連雲苑樹春何晚
宮鴉寒自羣憑欄無限意徙倚日將曛

九日

九日秋風裏百年多病中力稀雙屐懶消渴一尊空每遇黃花節
偏驚白髮翁拂衣猶未遂歸思寄南鴻

和葉初菴見贈

秋柳年年落山雲日日生心閒窮物變客到喜詩成竹影月能寫
琴聲風自鳴寒潭相對處盍有羨魚情

送施愚山

聚散嗟疇昔相思各至今新詩萬里道別酒百年心薄宦萍仍泛
高門雪正深黯然憐去住莫聽浦猿吟

除夕

骨肉共鐙光蹉跎滯帝鄉驕兒能把筆小女已扶牀刻燭華年
減聞雞白髮長不成良夜醉裘敝蚤朝霜

微泉閣詩集卷四

微泉閣詩集卷五

五言律詩二

春雪蚤朝

蒼雲低紫極雪色借鳴珂凍合玉階草融添太液波螭頭登更滑
龍尾積偏多遙憶春江上飄瀟點綠蓑

二月初一

微雨中宵歇春風向曉顛今朝憐仲月病懶自驚眠蜂蚤知花處
鴻歸到客邊眼看燕草碧畱滯已年年

登樓望西山晴雪同梁侍御

晴看千嶂雪日射半城寒霑處青崖白消時盧水寬微風清野馬
解凍下桑乾借問梁王苑何如此地看

同諸公攜酒章學士園亭花下飲二首

青山近玉堂邱壑興難忘樓迴憑深柳花高帶夕陽池魚紅尾短
籠鶴雪翎長不倦登臨費人衣一徑香

其二
乘興金門客春深學士家惜梅寒補屋促坐酒須花姓舜民云庾信詩殘花聽
須錦石生雲氣風林得月華落紅飛不盡點點入流霞

野飲
京國紅塵外提觴上野臺衣香霑草樹泥飲就莓苔亭古人誰主
春深花自開醉歸君莫笑高豕徧崔嵬

又和吳賡菴侍郎韻

懷抱誰能寫乘春悵望時天門晴詆蕩白日影參差草淺通游屐
花深覆屈卮鳳城南北路飲罷復何之

其二

鬱鬱京華地寥寥汗漫游浮名輸斗酒拙宦憶扁舟且命嗣宗駕
如登王粲樓春濃驚客眼超忽入南州

祖園小飲復過銀臺觀芍藥同吳賡菴司寇馬觀揚司空范挺岳

翰林

燕草芊緜碧行行南郭門黃鸝聞夏木綠水見名園雜坐敲斜石
頻傾清濁樽杜陵多挾彈時復向花源

其二

解甲故將軍青山賜舊勳有亭都向水無石不生雲曲折藏邱壑
淹留靜見聞何年栽古木徙倚問斜曛

其三

共載一樽酒追涼四月天藤花依格紫荷葉夾橋圓吳楚憐同調
吳楚人馬濠梁興渺然斑駁何大捷數里藥欄邊

其四

繁花生僻地芳意動幽尋惡紫朱無色傾城笑不禁遙看頻駐馬
斷取費馱金卻月香泥水承恩深復深

其五

百卉老東風新荷未吐紅一畦開落異百畝色香同鄭女臨流水
燕姬出後宮野人盜自賞生事仰春工

其六

豈非吹黍谷偏足豔陽花半落提攜手全移富貴家綠房朝露重紅粉晚風斜五畝荒園在歸時乞淺芽

送王紫蘭提學湖廣

秀士多三楚知君教有方荆衡求杞梓屈宋采文章枉帆良常近句容之官郢路長登樓如作賦游宦豈懷鄉

連雨強憩清苑縣于侍御以魚酒見遺賦謝

腹疾況愁霖誰憐老病侵嘉魚遺便煮美酒得頻斟地主提攜禮

勞臣感慨心蕭然廚傳外稍慰白頭吟

過梁司馬蕉園

司馬向以蕉園圖索詩

邱壑應難忘園廬得自然徑深秋水地亭淺白雲天步履迷花徑開襟俯野田主人圖畫裏遙羨是神仙

井陘抵固關道中雜詩

遲迴度井陘到處一鞭停客路盤山色民居逐地形水縈千澗白

雲擁半峰青勞此崎嶇道吾生歎屢經

其二

山嶂寬為縣陂陀盡破耕孤城懸旅次亂水少人行雞犬緣雲出魚鹽小市爭卻憐淳樸俗在口使君清

其三

微冷車茵動空濛漸不分秋光晴帶雨山氣石生雲淄淄干峰暗蕭蕭萬水聞衣襟渾欲溼空翠日氤氳

其四

縣蔓河水漲浸井陘城下宿留此縣

一夜溪流漲孤城撼怒波吼因爭急峽濁亦借黃河雲散山青出山高雲白過石棱湍漸減野渡艇如梭

其五

淮陰侯廟

華山泚水上趙將此成擒陳跡還祠廟空山自古今川原迷故壘旗幟憶秋林兒女防何及英雄淚滿襟

其六

巖腹洩炊煙巖居當屋椽白雲深鑿井青靄半開田椒綴丹砂粒
桃懸紫石拳由來風俗儉衣食此山川

其七

冠山開雉堞縵路轉蛇行後乘迷來轍前騶失去旌風雲通趙代
天地劃幽并馬首迎關吏王程上漸平

平定州西行

沮洳深沒馬犖确漫驅羊客路并州遠山形晉地長祇聞溪活活
那見石蒼蒼自笑鳴騶響徒驚谷鳥翔

其二

盡日山行遠常程指壽陽花能當路紫草欲徧山黃澗道穿沙惡
巖泉咽石忙遙思吳苑外林壑正秋光

太原道中

郡本高平地回頭歷萬盤乘驄山大怪衣繡野童看且作并州客
還憂大鹵寒齒黃同晉俗衰疾強加餐

西巡屬縣

大國才難及非關擊小鮮奇民壅晉寶行部動秦邊禹鑿河千里
周營水八川王程無險遠寒日急鷹鷂

其二

嘗讀兩京賦壯遊斯可憐河山百二險荆棘洛陽天秦樹行行接
嵩雲渺渺懸關城百戰後方喜息烽煙

游龍門

聞說龍門險今登禹廟前盤渦千里急鑿翠兩崖懸石色分秦晉
河聲束海天欲窮崩浪口鳥道挂蒼煙

冒雪暮抵三原題驛壁

朔雪來秦地陰凝霰未消微通趨利徑偏積受風條鞞鼓寒難起
旌旗溼不高南州梅意動驢影度溪橋

其二

截薛青初合川原白不分遙村藏霧樹近驛出霾雲老馬寒迷道

饑鳥晚索羣孤琴絃凍折獨向夜深聞
遊子

依人淹歲暮遊子意何如匹馬三秦雪思家數紙書應挑少婦錦
定倚老親闕愧我重泉信潘揚誼竟虛

其二

憐君此壯遊詩興破羈愁華嶽中天起黃河入塞流鳳毛驚大帥
金橐贈諸侯歸去買書讀秋螢滿案頭

其三

中年過四十雙鬢早如銀自顧悲流水終難忘故火織縑誰復似
舉案豈長貧酒醒蕭郎夢寒鐙共錦茵

歲暮

到官如昨日庭樹已經霜晉寶鹽何白吳儂齒漸黃寄衣寬革帶
曬藥滿青囊諸病增游宦全生在故鄉

其二

百戲春將動中條雪未殘地饒風俗古老迫歲時闌稍見霜花發
還憐晚竹寒江南深草色盍戀惠文冠

其三

淚斑緣望帝髮白擬爲郎六載官仍達庚子考授御史千秋遇不忘微霑
八口祿未舉二親喪負土知何日松楸漸作行

丙午新年作

宦情何漸薄客思轉難裁病豈隨年減春還送老來功名看白髮
心事著寒灰惆悵東風遠遙憐江外梅

春雪

早春猶朔雪吏散冷官衙亞竹應遲筍霑梅欲凍花寒山猶破翠
向日漸融沙北土偏宜麥民飢幸有涯

生日有以馴鹿子三見貽賦之

鹿子難馴性依人無懼心相呼多美草遠害豈長林頭角斑須長
虞羅巧莫尋終當逐仙隱伴我白雲深

春日夏縣道中卽事

地本夏人風川原見禹功耕桑四境古城郭一泉通柳暗晴兼雨
花明白映紅異方春在眼略與故園同

洪洞道中

景霍盤雄鎮橫汾帶大川春山雲間雪沃野地疏泉村郭如花繡
城池藕似船繁華殊晉俗耕鑿破堯天

霍州道中

路險何其惡遙山亦可憐土崩人股栗石角馬蹶穿賜柳壇安在
朱書竹豈然聊看百里雪盡日送吟鞭

靈石道中

一曲彼汾水一拳靈石山去秋過此路春柳又堪攀芳草隨人碧
溪花傲客閒勞勞游宦子冉冉道途閒

韓侯嶺

將軍百戰地烹狗孰埋魂楚水流如故晉山雲尚昏荒祠無一飯

芳草弔王孫菹醢難收骨孤墳亦漢恩

汾陽別朱太史滄起道中卻寄太史授以所著易春秋纂及道書

纂

十載西河上重來追昔游故人顏更駐薄宦鬢先秋老眼經難受
衰年道可求一尊猶未盡征路悵悠悠

其二

隋宮麥秀外魏國夕陽閒雨後渡汾水煙中見晉山 王程春草
綠馬跡落花殷肌力風塵盡江鄉思閉關

潞州高副使招觀金魚池

千峰上黨上忽得沼如規水種魚三寸山含月一池黃金爲寶地
香飯施飢時知爾江湖樂無憂觸釣絲

立夏後一日行太谷至盤陀驛

鳥道盤三晉馬塵過一春禁風花欲盡避雨麥初新夏首行山脊
千峰郡四鄰羊腸方自此愁殺遠征人

抵南關驛

溪迴迷老馬石亂礙肩輿澗道緣源入人家隙地居鳴騶紆峽圻
孤驛就山舒屢此陂陀路勞生免荷鋤

澤州苗氏園畱春亭牡丹

春偏上黨晚花過洛陽來走馬馱金斷香泥卻月栽綠房含景駐
白髮向人催本本成窠後年年寂寞開

數花亭芍藥

名花春欲去婪尾縮春殘小婢簾前報衰翁霧裏看淺深朝雨重
開落晚風寒客眼分明甚狂吟醉藥欄

行新安至陝州道中

東周西雍地百戰但蓬蒿關外移函谷村空說石壕山深馬力盡
日暮虎聲高道路成衰老吾生覺太勞

過郭外王氏別業

郊扉松竹鎖便道得幽尋猗氏池當戶中條山映林泉聲畱客久

石色引人深夙昔園廬趣棲棲尙負心

其二

荷鋤分密竹啜茗聽流鶯一日寒官舍余已秋滿猶乞竹數竿移植署中移時緩
客程紅塵插槿隔朱夏入林清我自恩恩別山雲不送迎

移竹次韻

吏隱名兼我親情望此君居官猶數日種竹且凌雲蕭瑟涼堪納
嬋娟夜欲分甘泉花可食雛鳳豈雞羣

夏日行襄陵道中至臨汾

姑山汾水曲昨過已春前異縣交禾黍千村散澗泉火雲深柳歇
道暘傍谿眠何處勞勞夢江鄉長夏天

其二

泉聲隨客路信美感吳儂釀黍傳名酒種荷資老農綠楊隨意拂
野碓自能舂嗟我水鄉士風塵送病容

立秋前一日宿雨初霽行洪洞縣北五里憩道旁韓氏園池

晴巒樓外迴新溜檻前懸蓮子鮮遺客園丁儉取錢隱心深柳宅
鄉思采菱船何必逃入境蒼蒼在水煙

其二

晉山塵獨遠吳客坐應堅古道哀湍壞幽居秋水鮮橫汾千澗落
景霍片雲懸門外王程急荷香送可憐

介休張氏園

張公以論時相坐法時相敗官其子爲
侍郎左遷蘇松道副使而卒余舊識之

密竹雖非惡繁枝本不材斧柯須剪伐傾覆有栽培牡丹數本竹
樹所亞刪而

之他日駝金斲春風繞砌開荒蕪今不治客位綠生苔

其二

曾識張公子孤兒位侍郎牛衣終未徙鵬舍亦堪傷舊業園花發

新枝砌竹長何如盤水劍妻子竟投荒

夕次靈石

七月七日立秋

疲馬程難計山深日易斜悲秋客路始乞巧宦途賒雲擁雙崖石
城孤一水涯經年三宿戀逆旅識如家

靈石曉山

蚤起逃殘暑征途屢此游水聲驅物役柳色送羈愁山豁分涼燠

過縣北冷泉
關地氣漸寒風高共葛裘漸能蘇病骨道暘庶無憂

山行壽陽縣東遇雨水漲宿逆旅二首

澗匯諸泉漲山爭萬壑流我行先彼岸我僕阻中洲代北關雲黑

燕南塞雨秋臨溪茆店暮客睡水聲愁

其二

馬寒秦地雪衣汗晉山塵行旅偏風雨危途有鬼神涼溫萬里客
險阻暫時人敢憚王程急應謀老病生

次日早發

浩浩殫爲河懸裝眾力過撼山穿趙代驅石走鼉鼉人語聞黃霧
馬頭生白波秋霖如澤國箕畢故滂沱

次平定州候代阻雨

七月瓜期及秋山雨不開攜來琴潤漆載去石生苔白髮增千丈

青春減一杯郵亭曾宿客人吏漫相猜
寒雨二首

山國偏多雨微寒覺早秋病拋桃竹簟貧綻黑貂裘碣石霜鴻動
滹沱木葉浮燕南趙北路攘攘未能休

其二

免愁中夜蝎漸少入秋蠅逆旅聊安寢衝泥去未能并州霜再落
燕市酒三升篋裏存紈扇君恩感不勝

秋霽二首疊前韻

天喜愁霖霽人逢客路秋障泥裝老馬行李曬征裘魚羨淞江美
雲看吳會浮風塵多倦翮晚計定歸休

其二

驚寒知早雁餘熱笑秋蠅遊宦人將老公卿病未能太行雲欲盡
溟渤日方升款話歸田計家人喜不勝

過固關

十年三度處關吏似相知燕趙當茲險風雲過亦遲棄繻成往事
馱馬覺吾衰九折艱難盡應思稅駕時
出關宿核桃園逆旅曉行

石路百餘里村墟數十家巖居無隙地山果有生涯籬落成廚傳
威儀卻鼓笳身輕從此去邱壑與京華

復過井陘口淮陰侯廟

背水千年廟登壇百戰功至今思赤幟何處弔藏弓春雨王孫草
靈風古木叢淮陰年少子終自笑英雄

出獲鹿抵真定二首

山行今日盡燕路首征軺秋水滹沱盛羣峰北岳朝瓜期仍故道
棗熟又盈條問訊梁園竹新篁映綠蕉

其二

十年頻奉使秦晉萬山西鳥道更人老參墟俯地低讀書知穉子
久病歎萊妻萬里游應倦全家待共攜

客自京師來見小男犬子

君識我嬌兒應無似我癡勝衣能敬客失學賴嚴師見父官非富
成人吾已衰歸耕還課讀肯後鹿門期

賦得老妻書數紙

老妻書數紙力疾字敬斜朔雁思兄淚新喪其兄吳雲望母家兒能嘗
藥草女學繡裙花以此寬相憶東山莫歎嗟

其二

客病夜中飯聞思刀上環風塵傳錦字耕儘羨青山漸瘦移金釧
長貧損玉顏祿微生計儉借隱鬢俱斑

九日劉吏部公勇邀同龔大司馬芝麓梁侍御日緝王儀部阮亭

汪農部茗文諸公郊外人家尋菊即席口號

地近青門外官閒黃菊邊行廚無主客老圃有幽偏面與西山別
心從北斗懸明年當此會朔雁信能傳

又和劉韻

京國人南去寒門雁北來十年燕市酒幾日故人杯白髮添佳節

黃金賸古臺夜歸愁醉尉曾逐羽林迴

庚子十二月廿四日世祖皇帝召至南苑會

日暮 敕令 二騎送歸

登華山青柯坪

背面分秦楚關河迴翠微松生插天石雲出半峰扉日月翻車過
虹蜺瀑布飛誰能攀鐵鎖白帝自垂衣

澤州陳翰林太翁太夫人雙壽

太邱風不遠篤行復能文繼體今華蓋齊眉昔練裙盈盈河漢水
生辰俱冉冉太行雲我有喬松詠畱題便贈君余有澤州古松詩

二月十二日龔司馬招同諸公讌集黑窯廠限花朝春陰四韻

柳弱都無綠桃天未散霞幽州寒去晚吳客興來賒春目時時送
山容處處遮江南當仲月雜樹亂鶯花

其二

春晝憐長晝春宵惜短宵謝公遊不倦愛客卜今朝絲竹文章助

烽煙樽酒消前期花可待終宴燭頻燒

其三

花草遲生色應畱一倍春密雲常不雨清路自無塵花萼寒猶斂
草穿晴更新風光憐 帝里去國一霑巾

其四

送遠開愁眼憑高傷客心香寒蜂食鮮雲積雁飛深積音野曠去
天近煙霾接地陰酒闌歸路倦獨立自沈吟

題李書雲給事池亭

宅邊楊柳樹溪上桃花林補闕方多暇為園不必深觀魚魚極樂
聽鳥鳥知音何幸南鄰住春來醉幾尋

其二

舍北桃花水家家買作池過門子得暇小築汝偏宜行到落紅處
坐當新綠時吾廬故園外庭樹定相思

夜集李書雲給事池亭

種荷滋歲月移樹費經營春去閒能駐園居久漸成樂闌花露重
水檻柳風輕醉月紛紛客微寒老自驚

陳同年遺像令郎持
之來謁

讀書成一第干請為長貧客死猶蕭寺平生有故人鳳毛殊逼似
駿骨得其真優孟吾難及搖頭挽負薪

其二

招我松閒月烹君石上泉追遊如昨日存歿半同年白髮幾人在
青雲一榜前梁谿他日路鄰笛自淒然陳無錫人

八月初七夜集梁家園李氏莊汎舟觀燈和龔大司馬原韻
秋池數十頃畫舫兩三層月近臨流席波紅不夜燈鄉心搖浩蕩
醉眼豁鮮澄明鏡期良會盍辭病未能

其二

天意憐魚泣六月人家起白鷗樓臺四面影水月一船秋載酒江
湖興移家日夜浮遠臣聊取醉舉國正無愁

送妻子至潞河登舟卻別時將之秦
草草潞河上頻年五往來同舟空繡被備隱負蒼苔骨肉更人老
心情與世灰漫漫西去路天遣幾時迴

其二

遠臣西北去河水東南流別緒憎秋雁羈心愧野鷗一身從匹馬
八口寄孤舟早計歸來日癡兒笑白頭

龔大司馬招同吳玉隨汪茗文王貽上程周量李湘北陳其年陳
子端劉公敵梁日緝魏子存飲餞黑窰廠分拈杜子美秦州雜
詩二十首原韻見贈依次奉酬

和龔大司馬

長安更西向今日是長沙去國仍憂國辭家不顧家馬蹏防隴坂
鳥道近褻斜迴首觚棱夢還從塞客誇

其二

玉几遙聞命命時以公為託世廟顧金吾夜送歸驥被夜令二騎送歸元臣

七廟略賤子一官微高謙春花密二月謙集分賦花朝春陰詩離筵千葉稀更

憐多病客革帶減腰圍道見贈詩云一官因道拙萬事較身微

和吳翰林玉隨

一麾甘別去敢恨短長亭鬢點吳霜白袍連塞草青隴頭嗚咽水
江上少微星歸夢能知路園林接近坳

其二

燕草秋先變秦桑春欲低友于皆禁闥給弟官中吾道已雲泥綠鳥
音吳會蒲稍至海西只愁聞塞笛長望臥征輦

和汪農部茗文

曾經秦塞曲未過五陵間按部止西望隴連蜀東來河復關孤征
今更遠九折會當還流水真嗚咽應周遊子顏

其二

仇池魚自穴鑿空馬成羣北寺荒宮月東柯出谷雲葡萄經雨熟
苜蓿徧秋分陳跡還堪訪為君寄舊聞

和王儀部阮亭

投荒通積裏聽訟坐花間君政清江水王司李維揚吾頭白雪山為郎
優吏治遠宦望生還細字頻頻寄王乞子維揚書相寄嘯痕點點斑

其二

關塞三千里京華尺五天都無魚可託祇有雁能傳別後人如夢
離前酒似泉知君思我處只在夕陽邊

和程會元周量

一笑堪傾國雙蛾妒入宮程見贈詩云蛾眉出漢宮君王車駕晚臺榭總幃空
藥誤難奔月身輕不避風誰能斲養嫁浪跡宋家東

其二

嶺頭花放後程廣州人薊北雪飛時燕市越吟切秦山吳詠悲桃源花
近報太白雪消遲藥餌如絲命扶吾隨所之

和李翰林湘北

西北浮雲外驅馳豈壯遊儒衣侵朔氣羌管入邊愁更惜登臨別

偏悲搖落秋

王程霜雪晚羣馬敢遲留

其二

吾學荒三策君能匯六家言應畱柱史賦擬弔懷沙李見贈詩云春秋著繁露
事業感心事曾焚草行藏合種瓜老來才已盡無復筆生花

和陳秀才其年

奉使更秦晉頻年萬里迴黃河天上渡白帝日邊來水性寒難飲
山形鑿不開畏途今老病寧俟暮猿哀

其二

久別故人面相逢行路難嘯多衣袖溼飲少酒杯乾遠宦憂吾瘦
依人戀爾寒盍歸呼小阮家姪文友風雅主騷壇

和陳翰林子端

絳灌臨衡宰浮華抑挽強憐無卑溼病敢憚道途長鵬鳥非鸚鵡
青驄是肅霜叨垂金帶亦有媿鬢毛蒼

其二

止輦當南苑陳見贈詩云南苑逢君日秋來十三驅樂事繁甘泉載強曉風天語近晝刻奏書長

聞獻賦三峽倒詞源龍駕湖陰鼎魚標江上村屬車塵已遠侍世廟時以言事

從憶金門陳自注云召對南苑敬時扈從得私識焉

和劉吏部公勇

四十丈夫志方剛仕正強劉長子五年衰年今苦短去日已偏長雲闕

辭鷓鴣鷺鹽車困驢驢前期如可待相見鬢誰蒼

其二

存想祕崑崙山深事不繁穿雲尋藥甲隔水失桃源愛汝留真跡

為余寫遠村此中看隱吏猿鶴自應門劉工畫

和梁侍御日緝

攻駒西極至君昔有輝光漢物輸量平聲谷秦民看堵牆梁舊巡視茶馬山

城難鑿井石路戒垂堂況我思鄉淚應隨渭水長

其二

豈厭承明出難同旅雁歸宮雲多五色邊月少清輝吳客征衣薄

秦山朔雪飛然灰心已死無計敵寒威

和魏駕部子存

人言隴上水不異蜀山泉蓋瘦衣先製行廚竹裏傳錦城君舊治

麥積我防邊問道曾經者臨岐益愴然魏司李成都

其二

久引林泉興盍求津要知曳衣馴鹿子分食出魚兒今日窮猿檻

他時集鳳池月明空對酒烏鵲苦無枝

八月廿八日雨宿天寧寺

去國猶三宿之官第一程客投風雨寺馬戀鳳凰城蟋蟀連牀語

琅璫高枕聲桑乾明日渡迴首隔神京

過盧溝橋馬上望西山

幾渡桑乾水千峰遠勢分每看燕市雪又拂馬頭雲橋落青龍影

山過白雁羣迴頭天尺五躑躅欲斜曛

夕次良鄉旅宿

馬首懸孤塔求安逆旅中暮山煙織翠高樹日歸紅西走江東客
南飛塞北鴻天涯今夕始茅店五更風
歸鴉

孤客征途臥昏鴉接翅歸出因營一飽還爲警危機寒樹棲難定
黃雲倦更飛雌雄八九子憐爾自相依
眞定除夕

經歲萍蹤泛明朝蓬鬢稀老魂驚隴水病骨稱荷衣江外花應發
春來雁欲歸宦情緣底事書報故山薇

其二

鄉信三千里親喪數十年萬家無葬地八口隔江天秦樹腸堪斷
吳雲眼欲穿王孫春草色處處引歸鞭

其三

十載憶京華孤蹤遠別家篋中多諫草盤裏少椒花羅袖能丸藥
蒼頭解種瓜 皇恩容去住前諾踐丹砂

其四

殊方將遠宦今日倍思家客夢迷寒雪歸期及落花行藏看鬢髮
心事問煙霞漸識窮通理吾生亦有涯

眞定元旦

北斗天猶近東風曉始和夢迴高伏枕朝下散鳴珂暮景青山遠
朝霜白髮多餘生將萬物天地任蹉跎

眞定客舍對雪

窮陰滿太虛積雪凍庭除鴉點埋雲樹童依宿火廚 君恩狐白
厚老病酒杯疏江國寒梅早垂垂已待子

其二

行旅斷滹沱鄉魂夢裏過癡兒霑履屨思婦歎關河半死紅鑪火
遙憐白玉珂何當高臥穩大有祝時和

微泉閣詩集卷五

微泉閣詩集卷六
五言律詩三

夕次湖口

澤國無車馬扁舟便出門湖連秋雨白山失暮雲昏稻蟹肥須酒
尊鱸滑可餐滄州勞夢想水宿始堪論

雨中渡湖展母柩

三十年前路常懸慈母憂倚門看鳥道負米渡漁舟雨積蛟龍氣
雲埋麋鹿遊湖山渾似昔風樹恨悠悠

過舜民姪小齋

帖石淺為山栽花深閉關壯心聊嘯傲緩步可循環一室橫今古
青雲直等閒相過應不厭坐愛鳥飛還

飲惠山蔣氏山樓

碧酒搖山月金波蕩水樓泉分斜澗落松散遠風秋謝傳攜清樂
聽秦氏黃公追昔遊結鄰招隱地更有桂叢幽

蔣翁有卜鄰之約

鴻雪堂

愛此古堂靜歸休荷 聖君半池荷聽雨對嶺樹籠雲石色山中
見鳥聲人外聞園林鴻爪雪日日坐斜曛

醉花菴

爲園能置屋歸老寄生涯北戶山當竹南榮砌繞花亂紅催酒酸
垂白重春華一本馳金斲中人直一家

多植牡丹

雲在亭

偶作斯亭主閒雲與我期水邊初起處林下坐看時有意窺檐宿
無心出岫遲蒼梧愁影暗倚檻少人知

寒山徑

園深由曲折穿竹路須迷策杖時循磴緣雲漸有梯石棱爭萬木
苔影俯雙溪遠上幽人步能來聽鳥嘯

春雨

閉戶春寒日高齋風雨時人情應共惜天意豈無私不放梅花破

微教芳草知莫愁騎馬滑歸臥復何之

春半過園居

百年垂白髮九十半韶華變綠先看柳繁香不辨花魚知春浩蕩
鳥奈曉喧譁去歲逢芳草王孫正憶家

其二

草木觀元化園林卷陸沈晴蒸花氣燥雨積柳煙深玩世三杯酒
忘情一曲琴江城何寂寞閉戶有山林

其三

地迴長林外爲山必有基苔生新帖石花發舊移枝遠色兼鄰樹
微波合曲池誰言邱壑淺一杖足栖遲

悼亡

二十四年事翻疑夢裏遊畫眉窺玉鏡含笑綻鸚裘宦拙防吾道
官貧累汝愁寧知借隱日耕鋤失良儔
庭中丹桂盛開而逢夜雨次日喜晴

美人來樹底隱士悵山幽金粟身疑幻天香子尙畱誰能迴白日
終自擅清秋草木嗟遲暮丹心老未休

壽吳玉虹五十時重陽前二日

相看過百里相訝鬢中絲莫謂功名薄能知學道遲青山堪送老

吳園名濁酒解扶衰年少追游事黃花似舊時

九日同周子俶陳椒峰龔琅霞飲舜民姪一草堂限天字

人逢故里地節屬凜秋天白髮容羣彥黃花惜暮年世情看朔雁
生計望湖田健步南鄰圃誅茅好息肩

其二

諸姪仲容賢畱賓貰酒錢隱居敲阜帽客至罷韋編時舜民方讀易坐密

論文友杯深共載船獨憐雙玉劍鄉詩士姪文友天道竟茫然

秋日龔琅霞攜酒楊氏園春曉閣招同諸公卽席用工部何將軍

山林韻

舊館諳三徑余舊做居園中良游聚石橋種魚猶歲月雛鶴且雲霄園蓄二鶴

樹古園隨主山幽隱可招一枝棲已定不復讀逍遙卜居西鄰

其二

春林纔半落秋水已全清宜宿娟娟鷺迴思蚤蚤鶯生涯憑稻飯
歸計在蓴羹衡宇遙相望幽尋取次行

其三

老大藤多壽偏枯樹半支高崗臨曲澗孤嶼出平池竹竿去聲誰能
數松年竟不知置身圖畫裏老筆互紛披

其四

閣俯千章木亭因四序花厭人惟鳥雀題壁尙龍蛇米萬鍾大山書東坡詞
立雲根迴溪迴屐齒餘渾疑車馬外髣髴是仙家

其五

屋角隨巖轉窗疏向水開秋光猶老桂春意欲驚梅雲過籬邊補
天圍樹杪來花時須數到紅素點蒼苔

其六

論文當絕勝，貫酒更如泉。事隸五花簞，涼生八繭絲。葉丹兼日射，石古帶苔錢。醉詠推詩伯，曹劉本祭川。主人龔垠霞詩先成

其七

壺觴連樹色，草木惹衣香。林表高城夕，秋邊閣水涼。醉鄉同晝夜，良會各行藏。風覺枯桐落，偏驚鬢髮蒼。

其八

歌梁高出樹，舞榭曲臨池。石角鉤裙袂，藤梢冒接離。秋風催燕子，落日亂鴉兒。貴壻朱樓圯，才人自唱隨。園創自吳氏以館甥曹塵客曹多蓄伎流落人間

其九

楊狀元長公庶常時官豫章山鑿藏良史，亭空號子雲。蓬壺移福地，華蓋逼星文。門閉松筠合，樓開氣象分。祇應容野客，隨意醉紛紛。

其十

坐愛秋星近，其如老困何。長林通國少，野水出牆多。小築終無地，來游漫作歌。比鄰通一杖，詩與會重過。

飲楊青巖近園同諸公和工部重過何氏五首韻

園依五畝宅，榜愧二王書。園亭素子榜書得樹多，凌石臨池俯。結廬閒時能聽鳥，樂處自知魚。執戟嘲堪解，寥寥揚子居。

其二

石徑苔彌古，藥闌花更移。盤柯寬倦客，絲竹寫歌兒。翠合標孤嶼，青翻入半陂。誰云邱壑淺，緩步緬藩籬。

其三

池開叢竹外，霜歷四松時。亭敞花閒酒，谿迴畫裏詩。環波容夜月，鏡檻照晴絲。勝地堪招隱，懸車豈待期。

其四

落葉秋光短，飛花春晝長。湖魚烹縮項，江米釀長槍。衰白惟須藥，清齋不坐梁。京華同旅食，回首說

先皇

順治中比鄰京邸

其五

小築無多事幽棲重暮年步檐根臥柳石岸沼清泉村燕巢林木
江魚入稻田太平杯酒外君子且陶然
舟過惠山望晴雪

八九峰前雪春寒凝不流寒連雲影凍春帶日華浮光遠隨孤棹
涼生覺敝裘看山青一半刻畫只迴頭

遊茶山吳氏舊莊

樵隱名園久

吳號茶山樵

池穿野水春斷橋迷舊路一壑隔成鄰叢桂

還畱客孤松自閱人何堪庭樹意榮落總傷神

積雨閣前泉漲

黃梅不斷雨農節每連陰萍岸侵階闊雲根出水深乘空移戲鮪
爭浴下馴禽有託因觀物憑闌得此心

其二

霖雨增泉脈山楹上水衣沈波蓮葉重積翠石苔肥碧色浮書幌
圓文沒釣磯五湖如在眼一壑自知歸

荆溪歸舟夜泊和婦韻

蕪下逐梁鴻舟隨湖水東家山百里外親舍一程中夜火溪橋市
朝煙廟社叢詩成歸道韞飛雪送孤篷

王石谷四十

欲結王生韞丹青老絕倫大癡同故里摩詰是前生俗手宜供奉
吾徒老賤貧蓬萊無白髮宮闕畫金銀

爲我畫壁

四月初一城隅進艇野步歸泊白雲渡

清和方首夏麥氣已先秋郊合藏鶯樹城陰近水樓綠蕪閒倚杖
深柳晚迴舟何事紅塵裏勞生送白頭

其二

愛水隨孤棹尋雲信杖藜蔗漿分稚子茗飲對山妻人事看花落
天心任鳥嘯嗒然臣妾意鞅掌自相攜

七月三日猛雨暮至曉用工部好雨知時節起句題二首

好雨知時節秋陽忽作霖雲通山澤氣雷動黍苗心鶯鴨栖還喜

蛟龍夜自吟曉來疏樹下爽塏已蕭森

其二

雲起天門黑波搖地軸青聲過驅屋瓦點密破池萍稻湧千畦翠
苔封一徑行漢陰機自息猶作夜深聽

大雨頻過

待簇晴雲溼餘飛積雨迴溝塍懸溜水吳越洗奔雷熟蚤風吹稻
行遲滑過苔病身兼隱几筠綠入簾來

九月晦日詠菊

今日悲秋盡秋花開涉冬衰遲偏照眼肅殺肯相容玉露盈枝亞
金英釀酒濃休嗟搖落後繼爾有寒松

句曲道中

汪微君詩云山色丹陽道人家白土煙其少作也用韻寄汪時已入都

夕宿朱方郭晨炊白土煙鹿鳴曾旅逆是日秋榜發馬齒又吟鞭鶴引

三山人耕六代田奪牛翁已駕吾意問羣仙

其二

泥行憑眾力人騎共蹒跚秔稻臥秋雨煙雲變遠山客心豐歲望
天意晚晴慳距陸塗堪畏殘年合閉關

飲崑山葉亭玉齋坐中徐筠拂命賦高季迪山色半城中得青字

吟君雙玉餅山縣雨冥冥雲出城門白江迎佛塔青石題何代鑿

鐘落幾人聽萬井爭相索僧高俯翠屏

又和看菊

晚香畱季月正色立高天采采成佳節叢叢介大年素娥邀姊妹
青女鬪嬋娟寫入閒情賦寒花倍可憐

春鳥

朝光殘夢破好鳥自鳴春一枕偏能覺千門不厭頻天機聽百轉
梅信報經旬莫發非時口君王遠佞人

對雪

稜積高高起坳填下下平孤松寒有色萬井晝無聲夜鶴言如怨
饑鳥貪自黔敝裘將濁酒中外益春生

其二
同雲來北海帶雨度南天
粵犬狂繫瓠王師沒馬羈
梅花禁萬里宿麥蓄三年
薪盡鑪傳火寒灰死復然

何處生春早十二月十五日立春
何處生春早新春入舊年
雁聲多北向柳色動東邊
臘酒嘗初熟寒梅笑共妍
平時疑汨日已見豔陽天

其二
何處生春早春來餞去年
水官殊勇退青帝莫爭權
旭日方開蜀繁霜不到燕
雲偷東海碧殘臘動微泉

其三
何處生春早春長似小年
蘭芽傳箭短梅蕊弄珠圓
魚貫跳冰上蜂衙向日邊
莫階看落葉芳草漸芊芊

其四
何處生春早春農祥大有年
雪融難發地麥宿最高
田樹變聲聲鳥

畦新活活泉野人無曆日未諳土牛鞭

其五

何處生春早今年有煥年
花知秦臘綻菜自漢宮傳
鳩鵲無殘照

龍蛇欲躍淵漢初以驚蟄為正月東風吹貢舶終歲會朝天姪舜民云會于歲終而朝

正也見左傳

其六

何處生春早春光惜暮年
盈肌思雪後吹面試風前
澤畔羊裘敝花邊蠟屐穿
不須呵凍筆詩帖字論錢

其七

何處生春早春風舞少年
養花烘砥室翦韭引溫泉
翠袖懷輕篋紅妝欲解絲
寧知卒歲客和煦獨淒然

其八

何處生春早春閏正盛年
感時珠作淚向暖玉為煙
永晝偏多倦中宵不足眠
南枝花上番去聲半發翦刀前

其九
何處生春早芳春童穉年馬騎新爆竹衣綻舊青氍戲假蘭陵面
噴遭石勒拳良辰休上學羊角放風鳶

其十

何處生春早春臺厄閏年庚申閏八月王正調玉燭農事賣龍淵月令
無寒歲冬旬有二天一期雙甲子老願緩星躔

秋至

秋氣來何處江城亦蚤涼鶴馴宵警露雁信蚤迎霜既落垂楊綠
還生叢桂香由來草木性貞脆不同方

小樓秋夕

日落小樓陰煙昏遠樹林烏唬涼月白雁叫暮雲深地上芙蓉冷
階前蟋蟀吟秋光當此夕坐息百年心

微泉閣邊桂

炎德於茲樹寒山目可凌丹黃秋色碎屋宇遠香凝仰面看眠石

低頭埽論升收來需釀酒歲歲酒如澠

青墩桂

一林成桂嶺松竹莫相凌風送秋池點香寒曉露疑明朝飄一斗
今日飲三升酒味花能強休論淄與澠

蒹葭莊看菊

路熟蒹葭渚人通秋水航髮添千丈白花又一年黃對酒叢叢色
遶燈細細香滿船蒹滿把相送露爲霜

甲子元旦

幸免泥塗辱仍週甲子年風雲非徑路星象自江天筋力難迎客
詩書望象賢日高扶杖起經義課兒傳

其二

旭日晴堪愛春風曉放顛吹偏東面柳曬動北流泉微泉西北流有穀
占豐歲無衣望燠年巡簷時曝背索笑早梅邊

惠山夜泊訪寺僧所藏元季竹火鑪未得見

微身閣詩集六
九
百度停橈處頻頻貴酒壺夜清泉更響山暝塔逾孤寺古元朝蹟
詩傳竹火鑪範金和土外班管定非枯

其二

鏞折應難爨鑪存或類篋山僧畱客供禪榻颺茶煙香爲燒松子
聲因煮石泉寥寥支許意薪盡火猶傳

蘇州早春

五馬青幡引春旗各一雙紅暄並音海日綠湧早潮江花氣蒸山
市蜂聲亂客窗梅心將柳眼爭寵未能降

步至白雲渡觀競渡

雲湧競龍翔傾城出若狂朱樓風外笑畫舫水中香窮老兼扶杖
隨人壓看場長沙雖未到歲歲弔沈湘

上元

燭龍明月吐火鳳百花叢世界琉璃內城池笳鼓中履簪遺婦女
金鼓鬪兒童筋力難徵逐塊然勃率翁方病足

閣前小山東麓古梅一本花出山腰坐松下石上俯觀

窗峰高半屋樹石罅容人巢鳥驚禪杖簷花呈酒巾梅巔難點額
松下易攀鱗十載親栽木扶登據病身方病足

二月廿日生日清明

二月過寒食佳晨舉壽觴老嫌花柳早健覺酒肴香薦廟摳衣拜
迎賓放杖行春光淹六十緩步逐春光愈

聽蟬

夏木亂千章蟬聲集夕陽飲供清露飽吟帶晚風長美蔭嗟方得
能鳴卻在旁柴門時倚杖浪說怨齊王

秋園

窮園秋草滿心賞比春華嚮落乾霜葉幽餘冷露花松頭經晚翠
鶴翅喜涼斜瓠繫甘吾老行藏悟種瓜

八月十五同諸子小樓雨坐待月

雲深藏月處雲破月三更木末增風力荷枯過雨聲人憑高閣迴

鐙助夾窗明中酒多徵事遺忘讓後生

青墩桂叢九月初四日

花辰追昔遊爛熳恣尋秋色亂杯中物香飄池上樓黃來先照眼

翠繞並盈頭八桂林增倍十六歸休隱一邱

其二

花事廢朝夕懸鐙清夜遊琉璃天眼界昏冒漢宮秋都似看紅蕊

微嫌見白頭月中難勝火照破小山幽張鑑花底

小樓秋日示諸姪諸孫尋仙佛者

樓角俯寒潭登樓力尙堪窗風雖望北簷日漸來南水帶枯蓮黑

天兼遠樹藍華陽不下地彌勒也同龕

夕鳥

落日聚城烏歸飛尾畢通黃雲九子合明月一枝無鳥性先人息

雛知哺母呼柏臺朝夕樹點點集於枯

小樓望晴雪

草木青全露城池白半收高寒殘貝塔建元塔融溼鏤飛樓天監寺巽宮樓

潦倒梅妝試摧殘竹粉抽忍寒遲未下猶有做貂裘

除架葡萄狂蔓

西域來中國南州樹不嘉味全羞馬乳酸但蜚人牙已聒枝閒鳥還藏葉底蛇斧柯除上架藤老想乘槎

余鬚幾周尺白閒頰見數十莖尙黑詩以自嘲

痔六血如餌早衰鬚鬢枯人驚商皓鬢自見士龍鬚短及盈眸寸

長爭布指扶上髭嵩嶽綠更照二毛圖姪舜民云太白上雲樂篇嵩嶽爲上脣

著僧鞋僧工書嗜酒今已沒

久怪邱開士胡爲音信稀青絲收做履破衲絕傳衣酒濁書家聖

書狂酒氣飛步趨追細輒乘化示禪機

紙糊窗

避寒民就隩何況久衰翁薄上上南榮日重障平北戶風裘存狐

碎白酒斷面慙紅不出經冬月墮蟬學蟄蟲姪舜民云墮蟬蟄未甦之貌

病夜

老妾手中病慙渠廢寢與瘦憎形待影睡損蓐模稜羸補能生藥
寒畱欲死鐙維摩方丈室猶未盡如僧

搗鼓

數米僅盈勺嘗羹不掩盤齋僧同一食孝子問加餐兩杖蒼頭鼓
三聲壯士謹樂音宜進膳何必中銅丸

鹿茸

欲清身似爨壯入夜立雪足猶寒左足先血氣吾衰久君臣藥物難

鴨江吳市貨鹿頂碧珠丸北賈冬南販須扶腎與肝

獾皮坐褥

獾獸深居穴剝皮坐褥重何須蒙虎豹自足薦烏龍性暖恆親土
毛深不挫鋒肉消髀骨出寢處涉寒冬

烏骨鷄

益髓家禽骨烏雞藥價高卵能成百翻晨莫定三號有墨翻嘗肉

為純枉斷毛充庖非爾任原不為貪饕

兔腋繇襖

三窟中山族邊關狐兔繁腋充狐白貴穎老管城髡美見千金貴

蒙茸半臂存寢興私服便毛著繭溫暾遠左攻皮以貌狐白價直

繭秃衿小袖裁為親身服著以俱寢興肌不起粟寒不中人

微泉閣詩集卷六

微泉閣詩集卷七

七言律詩一

送同官王年丈充琉球冊封使

聖人初出百蠻開王會圖成徧九垓應有黃犀重譯至先看白雉
指南迴長纓去破承風浪寶劍歸看過嶺梅海月石華收挂席鯨
鯢先靜鬱孤臺

其二

來王世至海無波印紱頒勞四牡歌其王貢表請鑄新印龍節用能通澤國
星槎直欲到銀河直州日出天邊盡落滌山居水下多西拜君臣
齊向化隋師空效駕鼉鼉

其三

東風受吏沃焦西忠信波濤遠不迷身過雞林隨買舶口銜鳳詔
到雕題海童引路常看日鷗母安瀾莫爨犀聞道此邦多善馬爲
君卻走糞霜蹏其國舊貢馬

其四

行矣王郎歌莫哀望鄉日落隔蓬萊苦辛處處風波事義命人人
嶺海回劉柳我慚能自易黃王姓邇轉相猜始以同官黃應詔後增列王與驥等四

人命題桐江圖

白水真人火再炎先生高隱學龍潛三台位缺星名客七里灘寒
地姓嚴清渭秀眉終草草雲臺生面亦奄奄富春山下桐江上江
自泱泱山自尖

賦得雪盡馬蹏輕

蹏凍恐傷驕鬣膝融冰猶惜錦障泥都無積雪深牛目遂有輕風
散馬蹏八駿漫驂黃竹舞雙龍高籥白雲嘶落雕撚箭騰空闊寫
鞚長楸脫月題

其二

青海龍孫遠向東橫空萬里欲追風金鞭玉勒騰難及圓璧方圭

凍已融柳絮香銷三寸白桃花汗落四蹏紅歸來踠足猶餘怒踏
鐵敲來響帶銅

聞雁

秋河斜拂向瀟湘矯翼寒門望稻梁明月無居迷楚水蘆花有夢
冷吳霜雪飛紫塞知先避風急青天欲斷行南去附書勞問訊故
人消息在衡陽時同年多官嶺表

戲題釣雪圖壽琴客王若愚

渾身帶雪釣輪斜垂白漁翁坐古槎素髮飄蕭霑柳絮青鬢屈強
去凍蘆花鑿冰宮裏驚新婦流水絃中聽伯牙沽酒煮魚彈一曲
半竿明月照銀沙

贈某萬戶

出身好武也能文令甲丹書紀世勳晴曠陣圖閒舊將夜看劍氣
答新君鑷頭白髮披黃石鎖甲黃金買白雲短後衣裳都賁酒灑
亭誰識李將軍

新賃半園移竹

色俗還須對此君萬竿煙靄許平分青光帶雨移湘水素壁搖風
失火雲魚樂偶從閒立見鳥讒偏向曉眠聞一區未比揚雄宅奇
字還須讀古文

送紹興守

古郡東南百越開剖符此地近蓬萊稽山境水舉帷入梅市蘭亭
帶郭來印綬不驚迎五馬鳳皇須下近三台一麾江海休言遠任
看徵書擢異才

題惠泉酒家壁

取酒明駝負一封淥溪成市愛醇醲醉眠甕側方千日倒臥杯中
有九峰泉水出山隨濁水聽松離地拔羣松誰能洗耳如孫楚五
鬣相看作老龍

玉山草堂詩

羣玉峰頭降紫霞三江水口賺桃花論才實謫神仙籍看命虛生

富貴家一鼓相求聞彩鳳四絃知絕拍胡笳謝公邱壑偏憐女山
閣初成是妾家

常熟秋日邵無盡置酒

東陵瓜熟子離離四面嘉賓會杖藜雪藕洗泥鏤白玉又魚斫鱠
饌紅絲秋來老圃饒花笑貧後生涯賴酒知烏目劍門多勝地登
臨一盞可重持

女道士卞玉京索和吳祭酒琴河感舊之一

魏宮消息寄元城出自山中贈答無情似有情曳雪斑駁留不住陸氏
舊枝宿鳥送還迎非關青瑣窺韓掾未許金徽識馬卿捧上瓊軒
歸綠籍橫塘秋夜卜他生吳原詩記得橫塘秋夜好玉釵恩重是前生

送辰州守

武陵太守過長沙向化蠻獠拜蚤衙苗俗詩書薰二酉仙源雞犬
壽千家忘憂公子春深草含笑湘娥日暮花行到湖南清絕地北
流江水望京華

送蘇州守

杭州善畫人

專城五馬古諸侯二八通門第一州吳苑山名詩畫本越吟鄉思
郡南樓香凝棨戟無公事花擁朱轡有勝遊財賦東南肥國脈小
家負戴大車牛

迷樓故趾

錦帆風送到維揚處處離宮作色荒殿腳三千牽困頓仙樓十二
捉迷藏司花人笑春猶淺乘月魂歸國已亡夢醒江都何處好墓
田禪知自山光

題吳門顧氏池亭

花木栽成號四時通門舊業有雄貲驅來南北山頭石買斷東西
鄰舍池老圃飯僧紅菜甲高亭選妓遠山眉辟疆園主還相約許
結吾廬近隔離

立春

東郊木帝引青幡令轉陽和早負暄萬象入春分一氣光風拂曙

徧千門窮愁漫對花饒笑獨樂惟聽鳥自言冉冉百年新歲月茫
茫雙鬢老乾坤

同道

同道東南慶得朋鄙人曲學日孫弘時相王恩前後司喉舌臣力從
容竭股肱伊呂佐時由素定韋匡儒術並延登和羹辛苦 天顏
動近日盈廷識未曾

端午京師書事

旌節花高二尺強引年尊酒進昌羊非關令節無花酒敢羨宮衣
稱短長成虎當關思沒羽長蛟爭食弔沈湘須知鞅鞅非臣道八
十封侯續命長時相

燕邸除夕同婦守歲

一雙玉手薦辛盤兩燄銀鐙守夜闌爆竹聲中催我老椒花頌裏
盡君歡漢宮燎火沈香暖燕市酣歌易水寒懷肉歸來仍索米歲
星誰識在長安

初六日立春

明朝人日滯長安春到幽州尚薄寒
馳裼半身經臘破蛟冰千片
向陽殘柳垂上苑黃金縷
菜出高門白玉盤
此日鳳城春色滿與
春無分只微官

廣東開科送劉員外主試

日南文教喜新加馬上詩書靖戟
牙入穀一枝攀桂樹留人萬里
折梅花五經分校爭三傳七業俱
興盛一家歸向鯉庭談樂事新
莊幾所在珠厓公多子孫

卞氏西泠閨詠

十五盈盈頗有餘明湖如鏡照香
車紫微雲外傳青鳥蔡珍絃中
記賜書種向荆山生碧玉胎從洛
浦采明珠母吳巖子能詩
筆牀硯匣隨
纖手誰埽雙眉鬢懶梳

子游墓

常熟縣

樵蘇十步禁松楸賢聖千年土一
杯馬鬣來觀吳父老麟書莫贊

魯春秋武城東國傳言子文學西河似孔丘
縹緲空坡陳俎豆只
今吾道在南州

方吉士春盤招飲走筆謝之

扣門跡埽腐儒餐空腹鴟夷酒盞乾
孰為貧家賒臘味忽蒙賢主
薦春盤南來箠箭冬先到北地萍齏
早耐寒醉後漫吟聊遣興東
風吹恨入毫端

京邸春夜即事

旅食經春別故廬清宵鄉思復何如
舉頭顧兔憐雙影滅燭聽鴻
望尺書婦病能知良藥苦客愁聊託
醉鄉居夢中遠識江南路芳
草淒淒二月初

張給事招飲齋日不赴走筆戲謝

旅食聊充藜藿腸綠葵紫薤雪黃梁
行廚浪費張公子齋日偏多
周太常粗厲百年虛俊味絃歌一部
意清商張有知君座上多佳
客肉食諸公定滿堂

某官濬練湖

代

金塘秋水照花穠游淀流清

姪舜民云出李華練塘頌

卷老詩渠轉雲帆通九

賦田宜秔稻漑三農吳牛不喘疏盤石黃鵠皆言得畝鍾丁卯橋

邊詩客住使君更為放芙蓉

按湖南歸

送同年李御史退菴歸省

按湖南歸

憲府烏嗁歸莫遲宦游久與老親辭六年廊廟江湖志滿篋荆南

薊北詩竹馬戲經驄馬處斑衣舞及繡衣時前賢自昔稱知足進

退如君乃可師

送王主司蓼航公歸輝縣終養

仕路何如陟太行太行山下故園荒庭前但得歌朱萼天上無庸

顧玉堂長嘯蘇門疏禮法濯纓泉水詠滄浪辭榮止足承家節自

有夔龍集廟廊

吳御史雪航五月生日

次龔侍郎芝麓韻

安石榴花旌節葵一觴照眼太平時手攀殿檻名成蚤家隔江湖

書到遲聞道射潮須勁弩誰能賭墅對圍棋為君笑問門前客今日田蚡昨魏其

戴同年帖瞻招遊華不注獨登絕頂題詩崖壁

海岱浮雲生石骨燕齊平野見纖毫直凌絕頂羣山碎斜倚危峰

置屋牢玉井半跗分太華芙蓉一碧映飛濤湖亭秋色今何處只

見黃塵滿客袍

杜工部題湖亭詩趙松雪畫晴華秋色圖今湮為陸

賀青州道陳同年

前任廣東

轉蓬宦跡歷天涯天下車書始一家百越叛先開尺檄五民中具

擁高牙日南花外無消息北海樽中有歲華坐對青山環畫戟分

明軍令醉流霞

青州正月十二日暮雪書寓壁

用東坡韻

霰飛浙瀝雨廉纖翠被生寒鼓發嚴遙望十洲銀作闕不知三月

食無鹽魚鱗翼瓦糊豐屋鵝管冰凌滴步簷修竹半荒枝欲亞壓

根春筍未抽尖

寓南直廢藩府

其二

太虛何處可藏鴉凍合王程住使車漢苑相如誇玉樹梁園枚
乘賦楊花地當北海偏無酒天各南雲不見家會待關河歸路霽
春冰片片挺魚叉

暮雪不止婦和前韻答之

呵凍微吟露指纖明闌謝傅最凝嚴肌無盈粟如燕玉筆自生花
勝撒鹽竹粉惹來迷積翠梅妝能耐笑久巡簷回思嬌女中庭戲
狂走重綦印鳳尖

其二

忍寒妝鏡點黃鴉逆旅鳴雞促鈿車聽汝撲天吟柳絮愁人落地
憶梅花故園雪樹應同色三度冬春久別家漫說紅顏飄泊損先
成險韻手頻叉

雲門山

廣固城邊天下稀孤峰戴石片雲飛雲根觸石生膚寸石色緣雲

冠翠微半影樓臺騰海氣中連齊魯望清暉蒼然暮色迷煙靄日
夕能忘游子歸

其二

鑿翠通人巖腹開削成仄逕上崔嵬陽巖沐日天門近陰壑號風
地籟來物外丹雞鳴石困雲中仙犬護瑤臺山川十二平如掌愧
乏登高作賦材王元美記云宛有中虛之洞以穿其背而上橫石可列坐數百人山頂有道院

乙未初度

我生之辰三十三從衰得白見麤麤儒冠換來已十載賜書所予
須一男機中看織迴文錦林下希抽斜插簪弧矢四方豈吾事勞
勞游宦憶江潭

呂同年邀登日照縣望海亭懷琉球使者王同年即席口號

青邱地盡海西頭海外空聞更九洲百谷朝宗虛自受二儀清濁
氣常浮石梁方駕鼉鼉窟銀闕遙傳麟鳳洲夜見日車朝沃日西
枝若木拂孤舟

安東海上人家屏閒刻王元美提兵大閱詩步韻

使君千騎領東方龍雀刀環七寶裝才子文章銘瀚海書生事業
掃機槍鼓聲猶帶潮聲起雲氣虛隨兵氣揚我本封侯無骨相垂
腰莫浪羨金章

安東春游蘇御史故莊

數峰橫帶海之濱卜築其閒有主人遠買江花移物性亂驅錦石
鑿天真小山招近淮南隱孤島長留閨苑春三畝就荒歸思動滄
波鷗鳥也相親

其二

戶牖方圓結構新藩籬曲折往來頻花邊置屋羅千樹木杪看山
得四鄰書畫樓還來乳燕芙蓉亭自戲文鱗松筠深鎖無人到應
悔田園未乞身

其三

望中幽處能移日別後追思轉涉旬開逕香風留賸客出門流水

送游人花前取醉渾難忘去聲竹上題詩暗愴神何似君家典屬國

歸來及見漢宮春御史左官卒于閩

風雨宿寶應縣南

遲遲歸棹石尤風宦學三年奔走中夢逐故園通一水倦遊匹馬
喜孤篷射湖波接江雲黑淮浦船來楚火紅傾撓餅疊霑襪被天
明起坐只書空

揚州渡江

燕路三年此遠征今春返棹又南行江山自暢逢歸國吳會離家
早計程北府兵猶京口酒廣陵潮到石頭城燕犀冀馬勞甌越橫
海應愁寇未平時閩中海警

其二

文犀孔翠未來賓十萬王師討不臣歌吹沸時多勝地城池喧處
少居人賣將釵釧醜頻獻彈入琵琶曲細論授鉞親賢龍種貴分
明部曲靜風塵南征師過

其三
飛渡猶聞唱阿童
銜刀但畏水中龍
千尋鐵鎖空天塹
十丈樓船照夕烽
江漢朝宗浮禹貢
東南秔稻轉吳農
莫愁海島頭難見
衣帶邗溝致畝鐘

其四
瑤光氣盡竟投兵
半面新妝畫未成
木柝蔽江飄敵國
羽書薦幕醉新聲
營中星爲奇才隕
牙上梟因大將鳴
玉樹歌殘商女唱
抽琴聊復賦蕪城

其五

女多男少古揚州
遶郭窺簾記昔遊
廿四橋邊明月恨
十三樓上一春愁
眞珠論平聲斛充金谷
芳草成窠葬玉鉤
萬事盡隨江水去
靈濤復到廣陵秋

其六

西來萬里水奔騰
山寺孤根勢欲崩
寺擁江雲常半吐
山迎海日

正初升一條塔影分南雁
四面潮聲惱定僧
趁得歸帆風色好
妙高樓上得攀登

歸泊丹陽

故園路近練湖濱
今夜還家夢漸眞
百里土風分土語
兩行鄉樹帶鄉人
入門八口悲游子
微祿三年遺老親
恰趁江南時節好
鶯花歷亂弄殘春

過虎邱感舊

獨到重來此虎邱
傷心攜手記曾游
池邊妝影泉猶冷
石上裙拖月正秋
僧壁題詩吟柳絮
客亭沽酒脫鸚裘
俸錢還買看山棹
山色無情翠黛愁

其二

好物難牢散綵雲
美人黃土問斜曛
花吹桃李眞娘墓
烏少鴛鴦紫玉墳
依舊月圓留寶鏡
空餘草色想羅裙
深情地下能知我
手寫新詩手自焚

己亥太倉元日

通籍由來寓此州十年不調故林游江花江水催人老春鳥春風
喚客愁田沒海潮連國稅居鄰魚鼈足時差歸休何日霑微祿直
拂珊瑚理釣鉤

雨

九十春光阻杖藜日車西匿亂雲低階前行蟻先知穴屋上班鳩
只自嘯獨坐竹軒宜聽雨閒行花逕惜封泥已憂南國無牟麥聞
道台州有鼓鼙

浙東海氛

其二

春城積雨似居村只合幽人養拙尊班駁苔生都上壁顛狂花落
不開門壞牆囊篋無錢貫補屋琴書有漏痕漸息交游常嬾出衝
泥實怯任翻盆

二月踰三月雨不歇

二月已盡三月來閨閨春雨雲徘徊大麥小麥糜爛死桃花李花

含忍開尺桂待炊薪不屬琴絲易緩聲何哀書時聊記愁霖賦礎
潤中宵復殷雷

鶴林寺

牧雲師贈鶴林集

棟宇巍然六代前江山深處好安禪夾窗鑿翠刪祇樹杖錫緣源
得活泉天子氣成盤舞鶴道人花發映嘒鵲筍蔬餘習多詩思可
似湯休麗藻篇

二月十九日游支硎山

每望支山說道林佳晨果我向山心萬峰石色銜珠閣幾派泉聲
落玉琴載酒游人隨草色弄春吳女弗花陰千年未見歸來鶴醉
倚空亭擁鼻吟

寒山趙墳

宅今為寺

三尺蓬根處士墳君家書法擅鵝羣婦姑彤管兼工畫唱和青山
只賣文

趙凡夫子靈均工草篆姑陸卿子媳文淑工詩畫

檻外泉含禪觀月窗閒石出講堂雲傳流翰墨人間世破宅逢僧立夕曛

其二

茅堂深鑿翠微開
松色斜過復澗來
石豎四鄰分負側
雲封一徑透崔巍
磴排古礎凌蟠木
階俯青冥破紫苔
埋骨青山俱不朽
還將文藻問香臺

吳門逢虞枚臣

檀郎歌管過行雲
謝傅堂前說舊聞
一自黃門悲喪耦
相看白首那逢君
可憐杵臼梁鴻舍
總少鴛鴦紫玉墳
遺跡無多留翰墨
斷香零落鬱金裙

其二

最小偏憐是謝娘
十三未諳六親藏
每看阿姊初歸袂
不避維私到後堂
故里流離兄弟遠
新人託命國家亡
求賢剛得身云沒
憑爾因聲寄雁行

九日石湖登高

令節登臨山水閒
頻年薊北憶吳山
青蘋亂點波光破
絳葉高燒

樹色斑對酒人逢
南菊醉憑高心共
片雲閒來秋此日
知何處白雁飛霜
老客顏

吳山秋望懷古

錢塘有美在峰巔
左右江湖劇可憐
十里菱花西子鏡
一條雪浪伍胥鞭
秋林紅樹還如錦
越國青山自各天
湖水江湖今古事
繁華及見太平年

其二

千峰繞郭壯重關
歌舞旗亭未肯閒
十萬人家燈火夜
參差樓閣夕陽山
射潮弩手收東海
入越樓船制百蠻
自古浙河形勝地
守臣應莫破愁顏

湖上雨

湖上陰晴景不同
積陰煙雨散空濛
半篙畫舫來煙裏
兩箇高峰失雨中
風撼岳家軍轉戰
雲歸蘇小夢成空
相看莫厭垂昏黑
水檻山樓帶火紅

題湖心亭新壁

孤亭突兀壓波興柔櫓尋煙試一登秋水吞階四五尺晴山疊檻
百千層樓臺氣象空中見宮闕金銀至未能好景眼前才欲盡斯
游聊亦記吾曾

其二

點破湖光十里空平分山色兩峰中眉添蘇小波心月腰舞西施
柳眼風飲馬布金為佛地插貂驅石到龍宮孫瑤建樓船歌舞環洲
轉錦纜延緣路不窮

岳墳

鬱鬱山根四尺墳蕭蕭大樹憶將軍靈旗溼雨陰猶見石馬嘶風
夜或聞二聖不成歸朔雪十年空復哭燕雲冬青陵下忠魂近杜
宇聲中拜故君

其二

百戰中原奏捷時兩宮書去竟班師若無叩馬書生諫已建黃龍

大將旗應象祁連懸落日不教牧豎撼南枝棲霞嶺下還祠廟長
使英雄欲淚垂

孤山晚步

山根湖面屢滌迴陳跡纍纍入望來俎豆名賢留斷碣衣冠高士
葬蒼苔六橋並駕雄虹落兩水中分玉鏡開半嶺夕陽如帶路回
看暮靄隔蓬萊

送汪徵五同年之官湖南

予時北行

分手長安六七年那堪相見又離筵炎洲易老蒸湘瘴澤國虛隨
過海船余擬使琉球不果累月故人春酒裏思君何處楚雲邊檣烏越水
晨分發歸雁衡陽信早傳

林逋墓

為愛西湖老結廬少微星合伴樵漁天言豈有龜龍瑞漢使空求
封禪書鶴去空亭留指點梅殘古樹見蕭疏寒泉秋菊祠前薦埋
骨青山少玉魚楊璉真伽發其塚

燕子磯遠眺

太平門鑿翠微開燕子磯橫匹練來石出半江高閣影山圍舊國
少城隈五雲縹緲空天險六代銷沈問劫灰陳事那堪頻極目江
濤東去不重迴

弘濟寺後石壁

殿角瓊瑤鑿翠開山根人面仰崔巍懸蘿壁立當趺坐古木巖高
蔭講臺欲落石應憑鬼物細流泉只滴莓苔吟成更寫摩崖字八
月陰寒衣袷來

馬跡山觀梅

子山產也因展母棺并舅氏
諸瑩方迫王程未過鄧尉

野梅一路暗香生緣澗穿籬舊處行山色映來青襯出湖光對照
白分明合圍古幹他年小滿樹寒花帶笑迎游子故鄉無限意休
過鄧尉滯王程

其二

力葵負米匪無兒寸草空吟莪蓼詩游釣某邱將某水門閣歸早

與歸遲萬家高地營何日斗酒燉煌節孰遣莫怯九京無作伴小
妻泉路事姑時

其三

自出人言似舅甥祇慚宅相未能成渭陽已宿墳前草風樹空遺
身後糞五尺外孫如有子一支母黨更無丁哀哀寡婦持門戶息
女依稀中表兄外家無後

平原弔東方朔

先生故里問征途厭次侯鄉尙有無姣好孰能摧綠幘幸倡不敢
倚投壺長饑誰復知多語切諫笑由奏六符飽食何時空索米自
嫌九尺過侏儒

五月初四德州道中感舊

同車發軔三千里蒙被包顏又一年明日何須長命縷前期約泛
五湖船生時所嗜澆名酒州名羅酒客路無由瘞紙錢虛祭遙知君僕
婢香魂相逐到幽燕

其二

悠悠生死經年別，宛宛聲容入夢真。永訣此時卿見我，猶知用藥

汝為人生衣，征袖存鍼綫。夜飯行廚進，苦辛卻憶長途相。勞日雕

菰炊熟膾芳，麟路河魚美，婦常為子作鱸。

五日途中口號

疊前韻

怕逢佳節當今日，新失佳人自去年。命續五絲無鳳侶，水嬉南國

又龍船入昏蒲，酒空金釧燒。眼榴花，費俸錢。端午兩迴階，帝里

一官羈絆獨來燕

其二

帝里兩年都有作，禦窮詩律轉清真。額黃狼藉思嬌女，角黍艱難

近婦人。婦五日詩官貧祿米薄安得角黍當。貧賤夫妻空感舊，使君臣妾漫憐新。江

南此節添愁思，菖本盈尊饌素鱗。

登定州浮屠十層磴，道倚天開四角嶒。崢嶸日迴佛塔聚，沙為象教鬼工采木

不呈材

諺語伐盡甲山木造得定州塔。

簷前秋氣燕南早，檻外山形代北來。薄暮

停驂聊送目，暫據懷抱上香臺。

井陘口淮陰侯廟

淮陰何處問魚竿，遺廟空山尚識韓。不用左車輕出險，能知空壁

始傳餐草山背水，奇兵法鼓靈旗大將壇。若使功成能學道，漢

皇豁達網應寬。

八月十五宿平定州署，有亭樺榜顏問月，因思往事。

當時雙照人何在，獨夜還看地更殊。一點關山身共遠，幾莖霜雪

老逾孤。長生顧免仍三五，耐冷嬌娥定有無。贄立空亭思往事，清

輝玉臂倩相扶。

八月十六夜行壽陽縣東見月

晉國雲山路漸微，中宵馬首尚無歸。西風薄暮吹人面，秋月仍圓

上客衣。向夕牛羊皆識路，繞枝烏鵲復南飛。虎邱勝事應如昨，桂

影天香露未晞。

九日王給事念蓼李都督招飲榆中泉池

門鎖松筠王給事蹊成桃李李將軍盡君歡日黃花酒向我飛時
白雁羣秋早關榆飄病葉泉名飲馬起寒文自憐萬里空持節不
是書生遠勒勳

登易馬城望河套懷古

昔聞青史說榆中極望陰山東復東亭障蒙恬秦代築旌旗武帝
漢時功黃河列戍乘秋急瀚海書銘絕漠空今日時清征戰少短
衣匹馬向邊風

其二

受降城築拂雲堆本意韓公大將才螭螭塞頭離思緩焉支山下
哭聲哀花門奮戟煩相救石馬當關已洞開荒服先生無上策羈
縻自格遠人來

其三

吉囊部落觸藩羝順義降王感放麇量谷馬輪通漢物犁庭師老

叛雕題魚書狐火長城內

李自成
米脂人

綠鹿紅羊大漠西王氣金銀天

上作

音擯乘特牝糞霜蹏

時禁
市馬

其四

榆塞何須遠築愁蕭關不用更防秋乾坤王者原無外甥舅西鄰
豈有尤邊月如霜依白草涼沙似雪打征裘雲峰候火多遺跡細
讀殘碑臥戍樓

其五

大荒秋氣望何窮服匿星居嘯北風光祿城頭邊日冷赫連臺畔
暮雲紅紫髯綠眼聞吹角竹兔豪豬見引弓塞下曲終須寄語後
來遠使莫怱怱

至日發平遙

東西南北竟如何節序都從客裏過歲暮風遺唐俗儉日長路遶
晉山多弄珠遠負梅花信繡綫愁添桃葉歌家人時奔走一官歸
未得何當攜子臥煙蘿

其二

通籍由來五六年小臣此日喜朝天千官珮劍駕行後萬樹宮花
豹尾前割得大官懷賜肉歸遺細子佐廚煙那堪奉使驅馳日空
染風塵滿錦鞵

暮抵南關

行人急急帶斜曛天井雄關斷暮雲月黑馬蹏深谷險山昏人語
隔煙聞荒村宿處狼窺戶深樹棲時鳥索羣自歎 王程何役役
多慚蕙帳遠移文

懷州雪後登高臺寺閣

正月河冰流渙渙太行山雪白差差試登佛刹當高處一豁羈愁
向此時壓瀉淇園青篠簞融殘梁苑碧琉璃廢藩府滿城寒色來窗
裏忍凍孤吟獨下遲

東昌懷古

削封玄社燕高飛三百年來事已非師出榮公占兩日陣前叔父

破重圍匝揮秦女綠爭國瓦解金陵孰擊衣伯仲條侯思鐵盛蒼
茫戰地問斜暉

寄趙五丈

憑君冰語致多情牽我紅絲爲主盟烏目山中留七日黃姑星下
卜他生卒爲請決從張耳不是殷勤託馬卿記得畫眉青未了催
妝含笑送人行

其二

翠袖飄零離故鄉賣珠漸及嫁衣裳黃衫若不過門外紅葉何由
到水傍星使追還催帝女北門貧窶憶蕭娘一雙金碗須臾事惱
殺桃花賺阮郎

其三

空谷幽居有所思華堂置酒訂佳期幸逢青鳥爲媒日正恐高辛
先我時索米禦窮饑欲死俸錢營奠肉誰遺惟憑似舅同年友遠
寄愁人懷舊詩

石學士轉吏部侍郎

春秋氣備四時中華蓋星文近六宮戚里寵非同萬石掖庭恩已
比椒風徘徊筆下人倫鑒巨麗文成吾道東早晚孫弘開閣待莫
令詞賦老揚雄

送常熟邵行人無盡奉使淮右便道歸省兼訂還山

十霜契闊鬢俱斑六節驅馳官自閒已驗星辰箕有口邵精星曆共論

少壯酒為顏青龍教我丹田訣邵得丹訣白鶴還君烏目山其奈九仙

披一品歲星須復到人間

其二

金雞鳳詔出長安父老江淮扶杖觀玉椀人間誰守冢珊瑚海畔

好投竿枉帆莫負山中約懷祿還承膝下歡拂水劍門真福地落

花許我埽仙壇

己亥除夕

又向京華滯客身那逢今夕倍傷神老妻稚子三千里赤腳蒼頭

一兩人炬列比鄰喧爆竹字堪貧子賣宜春明朝馬齒應加長暮

景飛騰鬢已銀

送秦中楊御史同年分守川北道

九折三巴不易行關西強項叱雙旌鳳巢去國遙回首鳥道離家

近計程屈強去聲孰能輕汲黯疏彈升沈何必問君平蘭臺走馬空

相憶霜柏含風翠自生

送同年蔣給事分巡九江道

避人諫草擬同論君去潯陽我薊門遷客且憐吾土近移官更感

累朝恩談兵清嘯庾樓月託聖狂歌彭澤罇三十六峰江九派

不須迴首望梧垣

微泉閣詩集卷七

